



# WAN I UN



Namba 1831  
Wan Wik, Septemba 10 - 16, 2009

Niuspepa Bilong Yumi Ol PNG Stret! K1 tasol  
long olgeta hap

## Sik i ken kamap olsem...



### Salim kaikai long rot ken kamapim sik Andrew Molen i raitim

WANPELA rot bilong sik pekpek wara na bel pen (diarrhea, dysentery, cholera) i save kamap em taim yu kaikai ol samting we das o pipia i go insait long en. Dispela sik i kamap bikpela long Morobe provins long las wanpela wik i kam na planti manmeri dai pinis long en tu. Sekreteri bilong Helt, Dokta Clement Malau, i tok klia long NBC radio long dispela wik olsem doti na pipia insait long ol kaikai na wara, i save kamapim dispela kain sik tu.

Poto: Nicky Bernard

Ritim moa long dispela stori long PES 3

Toktok longpela taim long nait nau go Bikpela!

Nau yu inap ringgo long ol mobail fon na len lain wantiam!



Ringim husat i gat Digicel mobail fon o len lain insait long PNG long 11-toea tasol long wanpela minit stat long 11-kilok nait, na nau igo inap 7-kilok moning! Na tu, salim text igo long husat lain igat Digicel mobail fon long 1-toea tasol namel long 10-kilok long nait na 7-kilok long moning.

**Digicel**

Dispela promosen i kam long ol Digicel kastoma tasol. Digicel Tems na Kondisen i stap.

# PHE long Morobe Provins

Paul Zuvani i raitim

### GAVMAN i kamapim Pablik Helt Imejensi (PHE) long Morobe provins.

Dispela em long daunim tupela sik em Kolera (Cholera) na Pek Pek Wara (diarrhea) we i wok long kamap.

Kolera i kamap long tripela distrik, Wasu sab distrik long Tewai-Siassi na Lae na pek pek wara i kamap long Menyamia distrik.

Minista bilong Helt, Sasa Zibe, i tok PHE i stat long aste long taim em i tokaut



WOKBUNG: Dokta Malau na Dokta Sorensen.

long dispela imejensi.

Dispela imejensi i kamap bihain long wokabaut bilong sekretari bilong Helt, Dokta Clement Malau, ekt-



ing sif sekretari Manasupe Zurenuoc, Dokta Eigil Sorensen bilong Wol Helt Oganaisesen (WHO) long Papua Niugini (PNG), na

Bill Costello bilong AusAID, long Wasu na Lae long wiken.

Mista Zibe i tok olsem bihain long luksave bilong ol olsem dispela sik inap bagarapim planti manmeri ol i askim gavman long mekim PHE.

Gavman i givim K1 milion na Morobe Provinsel Gavman i givim K400,000.

Mista Zibe i tok gavman bai painim moa mani na givim sapot bilong em na i gat bilip dispela mani bai kam long K10 milion mani em gavman i bin makim long pait agensim sik

(A)H1N1 influenza o ol i bin kolim Swain Flu (Swine Flu).

Em i tok long Kolera ripot i soim olsem 243 manmeri i kisim (Wasu 193/Lae 50) na long dispela 15 i dai long Wasu na tripela i dai long Lae.

Long Pek Pek Wara we i kamap long Menyamia tasol we ripot i soim 393 manmeri i kisim dispela sik na 29 i dai long en.

Moa stori long pes 3...



## Rait abus!





# Kolera kamap bihain long 193 krismas

Paul Zuvani i raitim

**BIHAIN long 193 krismas sik Kolera (Cholera) i kamap gen long Papua Niugini (PNG).**

Sik i kamap gen long taim we planti manmeri bilong kantri i save long ol rot bilong stap klin na helti.

Sekretari bilong Helt, Dokta Clement Malau, i mekim dispela tok taim em i paul na askim long wanem as na dispela sik i kamap gen.

Las taim Kolera i bin kamap long kantri em long 1816. Dispela sik i save kamap planti long ol kantri long esia rijen.

Em i no gutpela nius taim sik

i kamap long PNG long dispela taim, Dokta Malau i tok.

"Planti manmeri long Bumbu i yusim wara na bus long go long toilet.

"Taim mipela i nogat kliapela rot long stap klin em kain sik inap kamap.

"Taim i nogat rot bilong larim ol wokmanmeri hariap long luksave na mekim ripot long ol sik i kamap i ken kamap bikpela hevi.

"Taim mi harim nius bilong dispela sik mi tingim ol ples Motu long Nesanel Kapitel Distrik (NCD) na Sentrel provins na Trobrian Ailan long Milen Be provins.

"Mipela i mas save long ol gutpela rot pinis tasol sapos nogat dispela em i taim mipela i mas kamapim ol gutpela rot gen," Dokta Malau i tok.

Sik Kolera inap bagarapim laip hariap.

Wol Helt Oganaisesen mausman Dokta Eigil Sorosen i tok em i isi long daunim sik Kolera na Pek Pek Wara sapos manmeri i bihainim ol klinpela rot bilong stap.

Dispela em long wasim han na oltaim dring klinpela wara na kaikaik gutpela kaikai.

Moa yet mas digim ol toilet na yusim ol.

## WANEM EM SIK KOLERA?

Sik kolera i kam long binatang we i save kaikai doti samting. I kamap long ol hap olsem toilet. Manmeri nogat toilet bilong yusim na i pek pek nabaut inap long kisim dispela sik hariap.

**Rot bilong kisim na mak bilong sik;**

I save pek pek wara hariap na lusim planti wara. Manmeri bai lusim planti skin. Sik i ken kamap hariap insait long tupela aua tasol. Ol sait maket arere long ol rot we manmeri i no karamapim gut na doti i kisim inap givim sik.

**Rot bilong pinisim sik;**

Mas dring planti wara na i mas klinpela wara inap olsem tu (2) lita wara. Oltaim wasim han taim i laik kaikai o bihain long go long toilet. Yusim marasin ol i kolim ORS (Orel Resolusen Sistem) na tanim wantaim wara na dring.

**Rot bilong abrusim sik;**

Wokim toilet na yusim toilet. Wasim han taim i laik kaikai o bihain long go long toilet.

## WANEM EM SIK PEK PEK WAR (DISENTRI)

Sik Pek Pek Wara klostu i wankain olsem sik Kolera na binatang bilong tupela olsem i klostu wankain.

Binatang i kam long binatang we i save kaikai doti samting. I kamap long ol hap olsem toilet. Manmeri nogat toilet bilong yusim na i pek pek nabaut inap long kisim dispela sik hariap.

**Rot bilong kisim na mak bilong sik;**

I save pek pek wara hariap na lusim

planti wara. Manmeri bai lusim planti skin. Sik i ken kamap hariap insait long tupela aua tasol. Ol sait maket arere long ol rot we manmeri i no karamapim gut na doti i kisim inap givim sik.

**Rot bilong pinisim sik;**

Mas dring planti wara na i mas klinpela wara inap olsem tu (2) lita wara. Oltaim wasim han taim i laik kaikai o bihain long go long toilet. Yusim marasin ol i kolim ORS (Orel Resolusen Sistem) na tanim wantaim wara na dring.

**Rot bilong abrusim sik;**

Wokim toilet na yusim toilet. Wasim han taim i laik kaikai o bihain long go long toilet. Mas kaikaik klinpela kaikai.

Long tupela sik wantaim ol helt atortiti i tok manmeri inap long pinisim o abrusim sapos ol i bihainim ol tok i stap.

# Biknem lem flep bai go



Paul Zuvani i raitim

Minista bilong Helt, Sasa Zibe, bai kamapim lo bilong pinisim baim na salim bilong lem flep.

Dispela bai kamap long Palamen kibung long Novemba bihain long dispela yia.

Lep flep i kamap olsem "namba wan" kaikai bilong planti manmeri na planti ripot bilong helt i soim olsem pasin bilong kaikai dispela mit o gris i bagarapim pinis laip bilong planti manmeri.

Mista Zibe i tokaut long dispela long taim

em i tokaut long Pablik Helt lmejensi (PHE) long Morobe provins bihain long kamap bilong sik Kolera na Pek Pek Wara.

Em i tok lem flep i no gutpela long helt bilong ol manmeri.

"I tru prais i no dia, na taim i no dia ol manmeri i save baim isi. "Tasol dispela i no ken as bilong tok we ol manmeri i mas bel hevi taim em i kamap lo," Mista Zibe i tok.

Em i tok wanpela samting ol manmeri i kisim kain sik olsem Kolera o Pek Pek Wara em long wanem ol i baim long ol maket arere long rot.

"Na dispela em i no gutpela na klinpela pasin bilong stap.

"Yes. Mi redim pinis ol ripot bilong kamapim lo we bai mipela i pinisim wok bilong baim na salim lem flep long kantri," Mista Zibe i tok.



Klinim toilet long daunim sik kolera.

## OXFORD, TOK PISIN INGLIS DIKSENERI

Katim, na pulimapim oda fom daunbilo na salim i kam long Wantok Niuspepa sapos yu laik baim dispela Oxford Papua Niugini Dikseneri (Dictionary) we Wantok na Oxford i wok bung wantaim long kamapim. Dispela buk i ken helpim yu tanim Tok Pisin i go long Inglis, o Inglis i go long Tok Pisin. Hariap na kisim wanpela bilong ol dispela gutpela buk we inap strongim Tok Pisin bilong yu.

### ORDER FORM

TITLE	ISBN	PRICE (incl GST)	QTY	SUBTOTAL
PNG Tok Pisin English Dictionary	9780195551129	K38.50		

Recommended retail price is correct at the time of printing and is subject to change without notice.		TOTAL K
		PLUS FREIGHT* K
		GRAND TOTAL K

\*Freight cost for one book:  
K5.00 across PNG K10.00 Solomon Is  
K13.50 rest of Pacific Is K17.50 rest of the world

#### Options for Payment

- Direct deposit into Bank Account (details below)
- Mail Cheque to Word Publishing Company Ltd, PO Box 1902, BOROKEO, NCD.
- Call into the office: Office 02, Section 98 Allotment 01, Waigani Dr, NCD.

Account Name: Word Publishing Company Ltd  
Account Number: 100 000 5380  
Bank: Bank of South Pacific Ltd  
Branch: Commercial Centre  
Branch Code: 8951  
Swift Code: BOSPPGPM

**FAX BACK TO: (675) 325 2579**

If you are ordering more than one copy please contact us for a quote.  
Phone: (675) 325 2500  
Fax: (675) 325 2579  
Email: word@wantok.com.pg

Name (print): ..... Phone: .....

Address (print): .....

..... Fax: .....

Email: ..... Signature: .....



**Australian Government**  
**Department of Veterans' Affairs**

**Yu bin halivim ol Australia soldia manmeri long Papua Niugini long Wol Woa 2? Yu wanpela Pasi Wasi Angel o meri o man bilong wanpela Pasi Wasi Angel?**

**Long luksave long halivim ol Papua Niugini manmeri i bin givim long ol sevismanmeri bilong Australia long Wol Woa 2, Gavman bilong Australia i kamapim Pasi Wasi Angel Komemorativ Medol. Long aplai long kisim dispela medol, plis ringim Australian Hai Komisin long telepon namba 325 9333, o salim pas i go long Locked Bag 129, Waigani NCD, o sekim websait [www.dva.gov.au](http://www.dva.gov.au)**

Dispela Pasi Wasi Angel Komemoretiv Medol em i no kam anit long Ona na Awods sistem bilong Australia, na i nogat moni mak bilong en. Dispela medol em bilong ol Pasi Wasi Angel tasol, o ol man o meri bilong ol Pasi Wasi Angel i stap laip yet. Em i no inap long go long ol arapela wan famili bilong ol.



# PHE long Morobe Sik Kolera bagarapim Morobe

## I kam long pes 1

Mista Zibe i tok dipatmen i sanapim wampela helikopta long kisim ol marasin i go aut long ol ples we ol i sik i kamap.

AusAID na WHO i redim ol marasin na i gat inap saplai long pait agensim Kolera na Pek Pek Wara na daunim.

Em i bilip atoriti wantaim dipatmen inap long pinisim dispela sik taim ol i sanapim gut plen bilong ol na dispela plen i stat pinis.

Sekretari Dokta Malua i tok dipatmen i salim pinis ol opisa na marasin long dispela ol ples long pait agensim Kolera na Pek Pek Wara.

PHE em olsem:

- ATORITI bai putim was long manmeri i go kam long Wasu na Bumbu na Taraka setelmen (Lae) long dispela taim;
- HELT dipatmen i salim pinis ol wokmanmeri na marasin i go long Wasu, Bumbu na Taraka setelmen na Menyamya;
- KONTROL senta i stap long Angau Haus Sik wampela wod

wantaim ol bet i stap sambai long kisim ol sikmanmeri husat i kisim bikpela bagarap;

- MANMERI husat i kisim Kolera i noken bung wantaim ol narapela;
- LONG pinisim sik sikmanmeri i mas dring planti klinpela wara (mobeta long boil wara) na oltaim wasim han taim i laik kaikai o bihain long toilet;
- MARASIN bilong Kolera em ORS na helt atoriti i salim pinis dispela marasin long Wasu na Lae;
- INAP long pinisim na abrusim Kolera na Pek Pek Wara;
- LONG abrusim Kolera na Pek Pek Wara stap longwe long sikmanmeri na oltaim stap klin, dring klinpela wara na kaikai klinpela kaikai;
- YUSIM ol pit toilet, noken pek pek nabaut long bus o wara.

## Bustin Anzu i raitim

**KLOSTU long 100 manmeri long Morobe provins i dai bihain long bikpela sik Kolera (Cholera) i bin kamap.**

Ol distrik we dispela sik i kamap em Menyamya na Wasu long Kabwum.

Dispela sik bilong pekpek wara, traut na kus, i kamap bikpela long dispela tupela distrik, na long dispela wik ol lain bilong helt i go pas long painim aut wanem samting i kamapim dispela sik na wanem rot ol bai bihainim long daunim dispela sik.

Wol Helt Oganaisesen (WHO), Dipatmen bilong Helt, na tu, Hai Komisn bilong Australia long PNG, i helpim long kisim ol saplai bilong haus sik i go long Lae.

Angau Haus Sik long Lae wantaim helpim bilong ol ami long Igam Bareks, i bin kamapim wampela senta, long putim ol haus sel na Intanesenel

Medikel Misin, husat i save kolim ol yet long ol dokta i nogat banis (Doctors Without Boarders).

Ripot i tok tu olsem dispela sik i go pinis long biktaun Lae long ol ples olsem ol blok na setelmen.

Long dispela wik, Lae yet i gat tripela manmeri i kisim dispela sik kolera.

Namba bilong ol lain dai long ausait i stap pinis olsem 80 tasol i nogat toksave yet hamas long dispela wik.

Sapulai bilong ol marasin we Hai Komisn bilong Australia i salim i kamap long Lae long wiken na stap pinis long dispela senta we ol i kamapim bilong lukluk long dispela ol sik.

Dispela sik em i bikpela long ol kain ples olsem India, tasol long Wasu, maski sik i nupela em i ken kilim ol manmeri insait long 4-6 awa sapos ol i no bihainim gut ol rot bilong abrusim dispela sik.

Namba tu helt sekretari Dokta

Paison Dakulala i tok long las wik olsem em i isi long daunim dispela sik long Wasu, tasol em bai hat long daunim long Menyamya.

Em i tok Dokta Jack Marcus bilong Rurel Helt Yunit long Lae, i go pas long go aut wantaim ol tim bilong em long Menyamya na Wasu long mekim wok painimaut long ol rot ol i ken daunim dispela sik.

## LONG DAUNIM DISPELA HEVI BILONG KOLERA, YU MAS:

- Wasim han long sop inap 20 sekens;
- Wasim han tu bihain long go long toilet;
- Boilim wara na dring;
- Kaikai i mas klin na hot;
- Karamapim ol kaikai i kuk long das na lang;
- Tromoi ol pipia long hul bilong em; na
- Lukautim hap bilong ol.

## Salim kaikai long rot i ken kamapim sik

### ... I kam long PES 1

Dokta Malau i tok planti manmeri long Hailans Haiwe na tu long arapela hap long kantri save kukim kaikai na salim long ol liklik maket sait long rot.

"Planti no save karamapim gut dispela ol kaikai na das i save go insait long ol.

"Taim ol manmeri i kaikai, ol i ken painim dispela kain ol sik.

"Yumi no save tu sapos dispela ol lain i save wasim han gut na redim ol dispela kaikai," em i tok.

Moa long 200 manmeri kisim dispela sik long Morobe provins pinis na long Tunde ol i pasim olgeta skul na salim ol sumatin i go long haus bihain long tupela sumatin long Menyama i dai long dispela sik.

Gavman i putim stet ov imejensi (State Of Emergency o SOE) long dispela hap long lukluk long dispela hevi.



## AUSTRALIA HELPIM:

Bihainim wampela askim bilong Gavman bilong Papua Niugini (PNG), Australia i salim ol marasin na arapela samting long helpim daunim dispela sik Kolera i kamap long Morobe provins. Ol wokman i putim dispela marasin samting i go long kar long skelim i go long ol ples we dispela sik i stap pinis.


## Ol dispela samting Australia i salim i kam em:

- Moa long 250,000 tablet bilong klinim wara;
- Ol banis klos bilong ol dokta na helt wokman meri;
- Moa long 37,000 klin kontena bilong karim wara; na
- Em i givim mani tu long Wol Helt Ogaaisesen long kisim 500,000 ol oral rihadresen sol o sol ol manmeri i ken kaikai na givim moa wara long bodi.




## ATTENTION OIL PALM MILLS, TIMBER MILLS, FLOUR MILLS, INDUSTRY ELECTRIC MOTORS, DRIVES & TRANSMISSIONS

- \* Italian Made Power Transmission
- \* Hollow or Solid Shaft Designs
- \* Low Speed Applications
- \* Sealed For Life
- \* Alloy Light Weight
- \* Special One-Off Designs



- \* High Cycloid Efficiency Speed Reducer
- \* Solid Drive Shaft
- \* High Torque Outputs
- \* Low Maintenance
- \* Italian Made



Fully supported by in-house technical representative who can answer all your motor requirements.  
email: sean.sill@bishopbro.com.pg

Phone: 300 16 | Fax: 300 17 | Email: hursals@bishopbro.com.pg | website: www.bishopbro.com.pg



**BISHOP BROTHERS**  
everything for industry...



# Ol distrik sevis i bagarap



Foto: Bustin Anzu

**EM NAU:** Mista Khay (raithan) na Mista Philemon katim ribbon long lonsim ol masin.

## Bustin Anzu i raitim

**DEPUTI Oposisen lida na Mema bilong Lae, Bart Philemon, i tok planti ol gavman sevis i soim ol han mak bilong ol masta long taim bilong bipo, bipo long taim bilong indipendens.**

Dispela i soim olsem Papua Niugini (PNG) yet i pundaun long kamapim ol gavman sevis bilong ol yet na traipela milion kina i lus nating na nogat wampela wok i bin kamap.

"Mi bin go long planti distrik long Morobe na ol narapela provins na lukim olsem planti gavman sevis i bagarap pinis. Na i nogat gutpela wok i kamap bilong stretim o wokim nupela.

"Dispela i soim olsem mipela i no mekim wok long kirapim bek kantri

bilong mipela," em i tok.

Em i mekim dispela toktok bihain long baim sampela masin bilong wokim rot long mak bilong K3 milion i go long Lae Siti Kaunsil long las wik.

Em i tok ol sevis kain olsem skul, haus sik, rot na bris na ol narapela samting i bagarap olgeta long wanem, ol i no helpim long lukautim.

Em i tok tu olsem namel long 1975 na 2009, samting olsem K110 bilion ol i yusim long nem bilong developmen tasol sapos ol i lukluk gut, dispela mani em i lus nating na i no yusim gut long mekim wok.

Mista Philemon i tok K450 milion, gavman i yusim namel long 2005 and 2007. Sapos ol i bin yusim dispela kain mani long nem bilong

developmen, ol inap long lukim planti senis i kamap insait long kantri.

Em i tok olsem bihain long 34 yia, ol i wok long painim rot long i go het yet.

Em i tok ol i no inap long painim wampela gutpela rot sapos ol yet i no senis.

"Bai i no gat gutpela senis long ol pikinini bilong mipela inap mipela yet i senis. Mipela laikim ol gutpela lida na i no ol les na gridi man, husat i save tingim ol yet pastaim," em i tok.

Mista Philemon i baim ol dispela masin bihain long Join Distrik Program na Baset Praiorit Komiti bilong Lae Eben Lokel level Gavman (Lae Urban LLG) i tok orait long wampela bung bilong ol Lae distrik admin-

istreta Bats Botike i tok narapela hap bilong dispela mani, ol i yusim long wokim sampela kain senis long ol narapela gavman sevis olsem ol klinik long Lae siti na tu, Lae Sentrel Polis Stesin.

Lod meya bilong Lae siti James Khay tu i tok planti taim ol i putim ol kontrakta long mekim wok na ol i no save mekim gut na kam na sasim ol nating na ol i save kaikai planti mani nating.

"Wok tru tru em ol i no save mekim. Wantaim ol dispela masin, ol bai lusim ol kontrakta na na ol yet bai wok. Long dispela pasin, ol i ken daunim sampela kos," em i tok.

Em i tok tu olsem ol masin i kam long rait taim stret we taim ol rot i wok long bagarap i go bikpela.

Dispela ol masin nau bai mekim wok bilong taun kaunsil isi long wanem, ol i no inap go na painim ol kontrakta long stretim ol rot insait long siti. Siti kaunsil yet bai mekim.

Namba tu Oposisen lida i givim traipela salens long siti kaunsil long yusim ol masin na i no ken westim taim.

"Mi nau laik salensim Meya bilong siti na Lae siti kaunsil long mekim wok gut. Mipela bin baim dispela masin long K3m. insait long narapela tu o tri yia taim, mi laik lukim wok yupela i mekim i mas K6m bilong ol manmeri husat i save stap insait long siti," em i tok.

# Somare sapatim RAMSI

## Bustin Anzu i raitim

PRAIM minista Gren Sif Se Michael Somare i givim bikpela sapat i go long wok bilong

Rijeneel Asistens Misin i go long Solomon Ailans (Solomon Islands).

Se Michael i tok Papua Niugini (PNG) i givim bikpela sapat long dispela wok taim em i stat long 2003 na bai givim sem kain sapat yet.

"PNG i amamas long dispela kain helpim wantaim kain wok olsem insait long rijen," em i tok.

Kantri bilong mi bai kamap wampela bilong RAMSI inap taim misin i pinisim wok bilong em, Se Michael i tok.

Wampela websait bilong RAMSI i tok spesol kodineta bilong RAMSI, Graeme Wilson, i amamas long PNG long sapat bilong em long wok bilong dispela misin long Solomon Ailans.

Mista Wilson i amamas long kain luksave bilong PNG long sapatim wok bilong misin long Solomon Ailans.

Mista Wilson husat i tok amamas long wok bilong PNG, i tok dispela 4 de raun bilong em long PNG, i givim em taim long tok tenk yu long PNG ong dispela bikpela wokbung bilong

ol long dispela-misin.

Em amamas long ol polis na soldia long bikpela wok bilong ol long Solomon Ailans

"Papua Niugini em wampela lida kantri long dispela wok taim ol i bin stat long 2003 na ol i lukim planti senis long ol dispela wok bilong ol," em i tok.

Dispela tingting bilong Pasifik AilansForum (Pacific Islands Forum) bung long Kens (Cairns) long mekim PNG kamap trupela memba bilong Forum Ministeriel Standing Komiti (Forum Ministerial Standing Committee) long wok bilong RAMSI em long wanem, long gutpela helpim bilong PNG long ol yia i kam," em i tok.

Long dispela wokabout bilong em long kam long PNG; em i toktok wantaim Se Michael na tu wantaim Foren Afeas minista Sam Abal, Intenel Sekyuriti minista Sani Rambi na komisina bilong polis Gari Baki. Em i lukim komanda bilong ami tu, komodo Peter Ilau na na tu toktok wantaim Solomon Ailans Hai Komisina long PNG Bernard Bata'anisia.

RAMSI bai pinisim wok bilong ol long 2013.



**LUKLUK RAUN:** Praim Minista Se Michael Somare taim em igo long Solomon Ailan long lukim ol ami bilong Papua Niugini long 2003 taim RAMSI i stat. Long dispela piksa, Se Michael i stori wantaim ol ami bilong Australia.

## Bai kisim planti yia yet bilong stretim helt bilong ol mama long kantri

HELT Sekreteri bilong Papua Niugini i tok em bai kisim klostu tenpela yia long kamapim bikpela senis long helt bilong ol mama long kantri.

Long etpela yia i go pinis, bihain long sainim ol Milenium Developmen Gol, helt bilong ol mama sistem long PNG i no bin wok gut.

Ol nupela namba bilong kantri i soim olsem namba bilong ol mama i dai taim ol i karim-pikinini i go antap stret insait long tenpela yia i go inap long 2006.

Dokta Clement Malau i tok, ol ples i stap longwe na i nogat gutpela trening, i sampela long ol as long sistem i no wok gut.

Em i tok em i hat long tokaut stret long hamas yia bai kisim bilong stretim ol hevi kantri i gat nau.

## PNGDF skulim ol ADF long stap long bikbus

Olsem hap wok bilong Eksasais 'Olgeta Warrior', ol memba bilong Papua Niugini Difens Fos (PNGDF) na Australian Difens Fos (ADF), i wokim Eksasais 'Wantok Warrior'.

Eksasais Wantok Warrior em long strongim save bilong ol soldia long wok wantaim. Dispela i wok long kamap long hap bilong Taurama Bareks wantaim ol memba bilong namba 1 Batalion, Royal Pasifik Ailans Rejimen (1RPIR) na ol namba 3 Briged Solida bilong Taunsvil (Townsville).

Long dispela trening long Taurama ol soldia i stap insait long ol kain kain wok, wampela bilong ol em ol we long lukautim ol yet taim ol stap long bikbus. Dispela i wok

long kamap long Kerea long Sentrel provins.

Plantil ol soldia bilong Australia i laikim tru dispela trening wantaim ol PNGDF we ol PNGDF soldia i lainim ol long wokabout, mekim paia, painim abus na kilim, na kuk long bikbus.

Olsem sapa Yarron McGreachie bilong namba 3 Kombat Enjinia Rejimen (3 CER) i tok, "Mi amamas tru long mekim dispela trening na laikim tru ol skul long wokabout long bikbus wantaim PNGDF."

Long poto, koporel Nick Make, na ol narapela memba bilong PNGDF i soim sajen Ray Hepburn bilong 3 CER long we bilong kukim banana long paia arere long Wara Goldie long Kerea.

## Ol yut klinim Madang taun

### Michael Novingu i raitim

OL YANGPELA manmeri long Madang taun i tok promis long wokbung wantaim Madang Lokel Level Gavman Kaunsil (MULLG) long lukautim na klinim Madang taun.

"Yupela kirapim go het long karimaut wok, mi bai helpim yupela long givim ol samting long karimaut wok bilong yupela."

Gavana bilong Madang, Se Arnold Amet i mekim dispela toktok taim em i bung wantaim ol yut, papamama na komyuniti long wod wan, two kaunsil hap long Madang taun las wik.

Se Arnold i tok em yet wampela man i no inap karimaut wok long daunim hevi bilong lo na oda long komyuniti.

"Mi i mas i gat sapat bilong yupela ol komyuniti long daunim hevi i laik

kamap long komyuniti," em i tok.

Se Arnold i tok em bai helpim ol yut long givim ol mani long peim ol samting bilong ol long klinim taun.

"Mi bai wokbung wantaim yupela, tasol yupela i mas karimaut wok bilong yupela long trupela na stretpela pasin long lukautim taun bilong mipela i klin, stopim raskol pasin i noken kamap long taun na provins bilong mipela," Se Arnold i tok.

Deputi Lod Meya na Wod 2 Kaunsila, Chris Tomongo, i makim maus bilong ol yut na tok tenkyu long Se Arnold long kamap long bung bilong ol.

Mista Tomongo i tok ol yut i laik wok bung wantaim gavman long lukautim na klinim Madang taun.

Em i askim gavman long lukautim sindaun bilong ol yut long taim ol karimaut wok bilong ol.



# SP sapatim 2009 Hiri Moale Festival

Nicky Bernard i raitim

SP Brewery i amamas gen long stap wantaim ol kalsa na pasin tumbuna insait long Nesenel Kapitel Distrik long Hiri Moale Festival.

Na ol i gat bikpela bilip olsem dispela yia bai narapela gutpela yia gen.

Dispela em toktok SP Brewery Human Risos Menesa, Jerry Atahu, taim em i givim K50,000 i go long ol Hiri Moale Festival Ogenaising Komiti long Mosbi long Tunde.

Dispela asoesin o wok bung wantaim namel long SP Brewery

na Hiri Moale Festival we i save selebretim Hiri Treid namel long ol lain pipel bilong Motu Koitabu na ol lain bilong Galp provins moa long 100-yia bipo.

Dispela sponsasip bilong ol long dispela yia em namba 13 sponsa SP Brewery i givim.

"Ol lain pasin bilong singsing na amamas olsem Hiri Moale i mas mekim mipela long stop na amamas na tu luk-save long ol pasin kalsa na tumbuna pasin bilong yumi insait long ol tumbuna singsing na ol singsing lotu (peroveta), " Mista Atahu i tok.

"Mi tok amamas long

ol narapela ol sponsa husat i givim helpim long dispela yia long sapatim festival insait long Nesenel Kapitel Distrik na mi bilip yupela i ken stap wantaim mipela long amamas insait long dispela festival neks wik," em i tok.

Insait long dispela yia 2009 SP Brewery i putim han i go antap long sapatim tu Enga Kalsarel So (em ol i muvim i go long 2010) na tu Goroka Kalsarel So we bai kamap long dispela wiken.

Hiri Moale Festival bai kamap long Septemba 14 i go 16 long Mosbi.

# Vidar papagraun belhat long wok i go aut long kantri

Michael Novingu i raitim

**OL PAPAGRAUN bilong Pasifik Marin Industri-Projek long ples Vidar insait long Madang provins i askim Madang provinsel gavman long pasim ol wok go net bilong dispela projek.**

Ol i tok ol i no amamas long wanem wok bilong klinim ples na wokim banis raunim projek, em ol i givim long wanpela kampani bilong arapela kantri i, na i no ol papagraun.

Siaman bilong Kananam Holdings Ltd, Rudolf Ayu, i tok kain liklik wok inap long givim long ol papagraun na ol arapela bisnis long Madang.

"Mipela i no inap go long kantri Pilipins long painim wok olsem klinim ples na wokim banis, na kain wok inap ol i givim long mipela?" em i askim.

Mista Ayu i tok ol i no bihainim stretpela rot long kisim dispela wok, na em i kros long dipatmen bilong komes na industri, na Nesenel Piseris

long kirapim ol dispela wok i no stret.

Mista Ayu i askim ol atoriti bilong dispela projek long holim kibung long stretim dispela hevi, stopim dispela kampani bilong arapela kantri long wokim wok we ol papagraun i ken wokim.

Ol papagraun i givim askim bilong ol long Gavana bilong Madang, Se Arnold Amet long lukluk glasim na bekim askim bilong ol long pasin nogut i kamap long kisim wok long dispela projek.



SP HELPIM: Bikpela bia kampani South Pacific Brewery i amamas long helpim 2009 Hiri Moale Festival.

# Ol Bundi laik go olsem long Simbu

Michael Novingu  
i raitim

MANMERI bilong ples Bundi in sait long Madang provins i laik bruk lusim Madang na joinim Simbu provins.

As tingting bilong ol long bruk lusim Madang provins bikos nogat luksave long ol long kisim gavman sevis i go long ol.

Gavana bilong Simbu provins, Pater John Garia i mekim dispela toktok long taim em i go raun lukluk na

toktok wantaim ol komyuniti i stap klostu long Yandera main sait las wik.

Pater Garia i tok ol pikinini long Bundi i save kalapim Mondia maunten go skul long Denglau komyuniti skul long Gembok distrik long Simbu provins.

Em i tok moa olsem ol manmeri long Bundi i save go kisim marasin long Gembok helt senta we i stap klostu long ples bilong ol.

Pater Garia i tok em i bihainim Mondia maunten wantaim ol wok lain

bilong Gembok LLG long kam long Bundi long lukim rot i kirap long Simbu kam long Bundi, Bramen, Usino, Ramu na go long Madang.

"Ol manmeri bilong Bundi i stap long busples, we mi bin stap wok olsem pater long Bundi long sampela krismas i go pinis, pastaim long mi kamap gavana bilong Simbu. Mi lukim ol manmeri bilong Bundi kisim taim nogut long wanem gavman sevis i no go long ol," Pater Garia i tok.

# Se Angmai kros long gavman

Michael Novingu i raitim

WANPELA biknem lidaman bilong Madang provins i autim belwari bilong em long gavman long ol i no bihainim stretpela rot long kirapim ol wok developmen long Madang provins

Se Angmai Bilas i tok em i lukim ol bikpela wok developmen i kamap inasit long Madang provins rot gavman i karimaut wok i no stret.

Em i tok gavman i save kisim ol bisnis lain long arapela kantri

long kam wokim disisen antap long ol projek long graun bilong ol as ples we i nogat gutpela wokbung wantaim ol papagraun na tok klia long husat bai kisim helpim long ol projek.

Em i tok moa olsem ol papagraun i no save long wanem samting i kamap long graun, na dispela bai bagarapim sindaun bilong ol pipel.

Se Bilas i tok gutpela piksa tru em long Ramu Nikel Projek na Pasifik Marin Zon.

"Ol manmeri bilong Madang i

kamap olsem rabis antap long graun bilong ol long lukim ol i stap turangu," Se Bilas i tok.

Em i tok em i wari tru olsem ol memba bilong Madang i no inap sanap strong long tok nogat long ol pasin nogut i kamap long gavman long kisim ol wok bisnis i kam long Madang provins.

Em i askim ol pipel bilong Madang long kamaut na sanap strong long stopim ol pasin nogut i laik kamap long graun bilong ol.

# EU bai sapatim tambu long blufin tuna

SAMPELA ripot i tok olsem lain bilong Yuropien Union i redi long sapatim wanpela tingting bilong stopim pastaim ol wok bilong pulim blufin tuna long olgeta solwara long wol.

AFP Nius Ejensi i tok olsem ol mansave husat i save glasim gut ol wari bilong envaironmen na wok bilong painim pis long Yuropien Union, i kamapim pinis wanpela tok orait bilong sapatim dispela tingting bilong stopim pastaim wok bilong painim ol blufin tuna.

Ol i save yusim blufin tuna long kain kain kaikai bilong Japan, ol i kolim long Sushi, na dispela tasol i mekim na ol i save kisim blufin tuna olgeta taim, na nau mak bilong blufin tuna long ol solwara i bin go daun stret insait long dispela tenpela yia i go pinis.

# Is Nu Briten stopim pastaim wok bilong givim aut ol laisens bilong wok bisnis

IS NU BRITEN provins i stopim pastaim wok bilong givim aut ol laisens bilong wok bisnis bilong daunim pasin bilong ol pipel bilong arapela kantri long brukim lo bilong PNG.

Provinsel administresen i wok tingting nau long pasim wok bilong givim aut ol laisens inap Dipatmen bilong Leba na Industri Rilesens i glasim gut

ol bisnis wok bilong ol lain manmeri bilong narapela kantri i stap insait long provins.

Sekreteri bilong Dipatmen bilong Leba na Industri Rilesens, David Tibu, i tok dispela saspensen o stopim pastaim wok em bilong helpim ol opisa bilong em i mekim gut wok long glasim na rausim ol pipel i brukim lo na wok bisnis insait long provins.

# Somare i mas stretim gut ol ges laisens

SEMBA ov Mains i askim pinis Prais Ministra Se Michael Somare bilong traun na stretim ol wari na hevi bilong givim na surukim taim bilong ol laisens bilong ol petroleum na eneji bisnis.

Long wanpela pas i go long praim ministra, Semba ov Mains i tok olsem ol kain pasin bilong isi isi long givim laisens, na tu, ol i no save mekim gut wok bilong ol na planti paul pasin i save kamap long ol wok bilong givim

laisens. Ol i tok dispela ol kain pasin inap bagarapim ol bikpela wok bisnis insait long kantri.

Dispela pas i tok olsem dispela wok bilong givim ol laisens i wok long go bagarap long planti yia na praim ministra i mas mekim wanpela samting long stretim dispela hevi.

PNG Sapta bilong Transparensi Intanesenel i tok dispela em i wanpela bikpela wari.



# 'Kalsa em rait bilong yumi na yumi mas was gut long en olgeta taim'

Cyril Gare i raitim

DISPELA em bikpela toktok Eksekutiv Dairekta bilong Nesenel Kalsarel Komisin, Dr Jacob Simet i bin mekim long las wik insait long namba 8 Sepik Garamut na Mambu Festival long Wewak.

Dokta Simet i tokaut olsem PNG i wok long lusim ol narapela risoses bilong en hariap tru. Tasol dispela mas noken kamap long kalsa o pasin tumbuna bilong yumi.

"Kalsa em wanpela rait, wankain olsem politikal rait, ekonomik rait, sivil rait na ol narapela raits. Yumi mas was gut tru long dispela rait em kalsa bilong yumi," Dokta Simet i tok.

Em i bin mekim dispela toktok long fran bilong planti handret manmeri husat i bin kamap long Wewak so-graun long lukim dispela festival.

Dokta Simet i tok olsem gavman i putim kamapim pinis Inteleksual Propeti lo we nau i putim was long olgeta wok bilong tumbuna piksa na kalsa insait long PNG. Olsem na dis-

pela nau i mekim hat long narapela lain long stilim ol wok bilong kalsa bilong yumi.

Em i tok olem NCC i putim kamap ol kalsarel festival insait long kantri olsem Sepik Garamut Mambu Festival we i kamap long wiken, Rofundokum mini kalsa so long Septemba 9 na namba tri Midel Sepik Riva Kalsarel So long Palimbe viles long Septemba 11 na 12..

Is Sepik Provinsel Administreta, Samson Torovi wantaim Ekting Provinsal Edvaisa bilong Kalsa na Spots, Terrence Moka, i givim tok amamas long Dokta Simit wantaim NCC long putim Is Sepik long kalsarel kalenda bilong ol long wan wan yia.

Tupela i tokim Dokta Simet olsem ESP edministresin bai givim sapot yet i go long promotim Sepik kalsa na pasin tumbuna.

Mista Torovi i tok olsem moa wok i stap yet long ol i mas mekim. Em i tok olsem skul na ol bikpela koles i mas gat program i stap long promotim pasin tumbuna na kalsa bilong PNG.

Dispela bai mekim ol sumatin na ol pikinini bilong yumi i stap strong yet long holim pasin tumbuna na kalsa bilong kantri bilong yumi.

Em i tok olsem ol kalsa na turism ofis insait long ol provins na distrik long kantri, ol turis bod na turism operettas na ejensi aninit long Turism Promosen Atoriti (TPA) i mas kisim moa sapot i kam long gavman long mekim gut wok bilong ol na wok bilong ol bai karim kaikai.

Mista Torovi i tok long nau yet Turism indastri long Is Sepik i save bringim olsem K2-milien long wan wan yia. Tasol em ken gro na bringim moa long K10 milien sapos i gat gutpela sapot i kam na gutpela menesmen i stap long kamapim na promotim wok.

Em i tokaut tu olsem hevi bilong lo na oda em wanpela bikpela samting we i save daunim wok bilong turism na tu nogat ol gutpela rot long kos bilong transport tu em antap na dispela i save givim hevi long sait bilong gro bilong turism na wok bilong promotim kalsa na pasin tumbuna.



PASIN TUMBUNA: Planti ol kalsa na pasin tumbuna bilong bipo i wok long lus hariap taim pasin bilong waitman i kam insait.

## FRI!

# KISIM FRI

## bemobile

# POSTA

# INSAIT!mobile

**-PROFAIL-**

De mama karim:  
 Provins:  
 Tim:  
 Posisen:  
 Fevret NRL pilaia:  
 Fevret NRL tim:  
 Fevret PNG pilaia:  
 Fevret musik atis/ben:  
 Wanem narapela spot yu save laikim?  
 Wanem bikpela salens tru bilong yu?  
 Wanem astingting bilong yu long ragbi lig?  
 Sampela toktok i go long ol yangpela:


Joshua

# PORIA

**Bungim ol fevret pilaia bilong yu olgeta Fonde na stikim long haus wol bilong yu!**







TOYOTA

70 SIRIS 4WD

LAND CRUISER

# Strongpela yet

✓ PAWA

✓ KEN MEKIM WOK

✓ GAT KWALITI

✓ STAP LONGPELA TAIM

✓ KEN GO OLGETA HAP



Strongpela Yet  
dil ol samting i  
redi long igo tasol

## NOKEN MISAUT!

- 4.2L 6 Silinda  
Disel enjin
- Pawa stiaring
- Ea-kondisen
- Snokel
- Bodi ino bai ros

Kisim Kala  
Long Laik!



Ol piksa mipela yusim  
em bilong kisim tinting  
tasol.

EM10179

Ela Motors



Your First Choice

### KAM HARIAP, KAM HARIAP TRU!!!


Port Moresby.. Ph 3229400	Goroka..... Ph 7321844	Wewak.... Ph 8562255
Lae ..... Ph 4781800	Mt. Hagen.. Ph 5421888	Vanimo... Ph 8571254
Kokopo..... Ph 9829100	Kimbe..... Ph 9835155	Tabubil.... Ph 5489060
Madang..... Ph 8522188	Lihir..... Ph 9864099	Porgera.. Ph 5479367
Kavieng..... Ph 9842788	Buka..... Ph 9739915	Alotau.... Ph 6410100



Conditions Apply . [www.elamotors.com.pg](http://www.elamotors.com.pg)



# Sampela hevi long RAMSI



**PATROL:** Advaisa Bill Werake wantaim ol ami bilong Australia na asples polis ol i patrol long nambis bilong Avuavu long Wetakos, Guale Provins.

## Hap namba 6

### Bustin Anzu i raitim

**WOK** bung namel long RAMSI na gavman bilong Solomon Ailans wantaim ol pipel bilong em, i kamap gut tru. Gavman na ol pipel i amamas long wanem, RAMSI i bin i go na helpim ol long hevi bilong lo na oda na kamapim gen ikonomi na bildim bek Solomon Ailans.

Pasin bilong pret long ol stilman long ol bai kilim ol o bagarapim ol meri na yusim gan long mekim ol wok, i bikipela tru long dispela taim. Ol dispela lain i raun insait long Honiara taun wantaim ol gan na samting bilong kilim manmeri.

Ol skul i pas na nogat pikinini i go long skul. Ol i salim ol i go long ples long stap wantaim ol papamama na ol stoa i dia tumas long baim kaikai. Ol haus sik i pas na ol manmeri i no inap kisim marasin na strong bilong mani i go daun olgeta.

Laip i no fit long ol manmeri i tok, em kantri bilong ol.

Tasol ol dispela i senis, na ol i lukim lait na pulim traipela win olgeta taim RAMSI i go long kantri bilong ol. Ol i tok dispela i senisim laipstail na ol i ken raun na mov fri long mekim olgeta samting.

Taim RAMSI i stap, i gat planti ol hevi tu i kamap o bungim ol. Ol dispela hevi i kamap long ol yet na tu, wantaim ol manmeri na gavman bilong Solomon Ailans.

Sampela long ol dispela bikipela hevi em, dai bilong wanpela

RAMSI polis we ol asples i sutim em i dai, bikipela pait long taim bilong ileksen long 2006 na i dai bilong wanpela meri long ka eksiden o birua long kar. Dispela em sampela bikipela hevi, tasol i no stopim wok bilong RAMSI.

### Gan hevi i strong

Taim RAMSI wantaim Solomon Ailans Gavman (SIG) i kamapim dispela gan amnesti o malolo long kisim mekimsave long holim gan, planti gan em ol i kisim bek.

Planti bilong ol dispela gan em long taim ol i brukim tupela amori o haus gan long Auki na Rove.

Ol i brukim dispela tupela ples we ol polis i save putim gan na kisim olgeta i go. Ol dispela gan em ol bikipela na strongpela gan we taim ol i yusim, em i ken bagarapim planti manmeri na samting wantaim.

Long dispela taim ol i brukim amori, Solomon Ailans polis i no sanap strong.

Planti bilong ol Malaita polis i joinim ol wantok grup bilong ol na tu, na ol Guale i wokim wankain pasin.

Sampela polis opisa, husat i no bilong dispela tupela lain grup, i no mekim wanpela samting. Ol i stap na lukluk tasol o ol i go bek long ples bilong ol na wok.

Tupela grup polisman i pulim i go kam olsem na polis i no wok olsem ol polisman we ol pablik i save gat rispek o luksave long ol.

Ol polisman yet i helpim ol man autsait long brukim amori long Auki polis stesin na bihain gen

long Rove long Polis Hetkwata long Honiara.

Taim ol i mekim olsem, polis fos i daun olgeta na lam bilong ol i dai. Ol i no gat moa strong long stopim pait na mekim wok polising insait long Solomon Ailans.

Long taim bilong gan amnesti, planti bilong ol dispela gan i kam bek gen long ol lain bilong lo. Ol man i gat laisens long gan tu i kisim gan i kam givim gan bek. Ol tu i no laik kisim hevi nating long dispela.

Tasol sampela i no klia gut tumas long wok bilong RAMSI, bai ol i stap olsem wanem na wanem wok tru ol bai mekim. Sapos RAMSI i pinis na go, ol i gat strongpela tingting olsem hevi bai stap yet na ol i no givim olgeta gan na samting bilong pait i go bek long lo. Ol i holim yet long asples na bus bilong ol i stap.

Sampela manmeri tu i no amamas long wok we RAMSI i mekim insait long kantri. Na ol i gat kros long ol.

Sampela samting ol i no amamas em olsem taim ol i go long Solomon Ailan, ol i no luksave long pasin kastom bilong Solomon Ailans.

Ol i brukim sampela lo na pasin kastom na dispela i no go daun gut wantaim ol asples.

Pasin kastom olsem sapos yu laikim meri, orait yu mas i go long haus bilong papamama bilong meri na askim ol. Wankain ol pasin kastom bilong sampela hap insait long Papua Niugini.

Tasol dispela em sampela memba bilong RAMSI i no bihain-

im na ol i go na kisim ol meri raun. Dispela i kamapim birua pasin namel long ol asples na RAMSI.

Na tu, ol i brukim lo we ol i kamapim long ol ples tambu. Ol i putim banis long ol i no ken i go. Tasol ol i sakim tok na tu, kisim ol samting bilong taim bilong Wol Woa II na karim i go long ples bilong ol.

Tasol taim ol i wok na stap, RAMSI i luksave na senisim ol pasin bilong ol na bihainim ol lo na kastom. Na tu, RAMSI i putim sampela bikipela lo we ol wokmanmeri bilong ol i mas bihainim.

### Trabel i kamap

Taim bilong riot long 2006, moa long 20 kar bilong RAMSI polis (Participating Police Force) em ol i bin kukim long paia na bagarapim.

Planti haus i paia na planti stoa, em ol i brukim, i go insait na kisim ol samting na pasim. Ol ovasis lain, planti bilong ol em bilong Esia, i kisim bikipela bagarap long ol stua bilong ol.

Wanpela bikipela hotel i paia na polis i kisim bikipela taim long stopim dispela hevi long dispela taim.

Dispela hevi i kamap bihain long Snyder Rini i kamap Praim Minista bilong Solomon Ailans. Ol manmeri i tok ol Esia i bin helpim em wantaim mani na em i wokim ileksen na kisim namba long kamapim gavman.

Planti manmeri i no amamas long dispela long wanem, ol i tok ol Esia i kisim planti samting, graun tu, na kamapim bisnis na ol narapela wok na ol asples yet i kisim taim olgeta. Ol i laik bai narapela man i kisim dispela wok praim minista. Olsem na ol i kamapim dispela protes.

Polis i bin was long haus palamen long dispela taim, tasol ol i no holim na karim ol gan samting. Ol dispela samting em gan amnesti tambuim na RAMSI polis tasol i karim ol pistol bilong wok.

RAMSI polis bilong Australia na Nu Silan tasol i gat ol pistol. Ol narapela polis bilong RAMSI olsem ol Pasifik Ailan kantri, ol i no save karim na raun han nating.

Long dispela taim, lo bilong RAMSI polis i tok long noken pairapim gan nating. Yu ken mekim sapos yu lukim laip bilong yu o bilong narapela em tru tru i stap long mak nogut, olsem dai.

Long ol dispela kain taim em ol i ken sut. Long ol narapela taim, i gat bikipela tambu i stap.

Ol i raunim haus palamen na taim ol i harim olsem Rini i win, ol i belhat na laik pait wantaim ol polisman meri long haus palamen. Taim ol polis i lukim dispela, ol i laik rausim ol manmeri na dispela em ol i pulim taitim i go kam na planti ol polis kar ol i kukim.

Ol i raun i kam daun na bagarapim ol stua bilong ol Esia long Saina taun. Planti bilong ol dispela Esia em ol bilong Saina.

Ol Esia i lusim stoa na larim ol manmeri i go insait na kisim samting long laik bilong ol. Ol i kirap na kukim sampela stua.

Sampela i go na kukim narapela bikipela na namba wan hotel long Honiara taun. Dispela em wanpela bikipela hotel we ol i bin kukim long dispela taim. Ol es long hotel i lukim dispela na ol i ronowe long

laik i go aut.

Gavman bilong ol Esia kantri olsem Saina na Taiwan i mekim rot bilong planti bilong ol dispela Esia na ol i kam long Pot Mosbi long sata balus bilong Air Niugini long i go long ples bilong ol.

Tasol sampela bilong ol dispela Saina i stap yet long Honiara. Long wanem, ol i pilim olsem ol bilong Solomon Ailans na i no long ples bilong ol yet.

Praim Minista i lukim na harim ol dispela stori na em i risain gen. Insait long histori bilong Solomon Ailans gavman, em i brukim stret long kamap praim minista bilong wanpela de na bihain risain.

Taim em i lusim dispela bikipela wok, ol i makim narapela praim minista. Em Manasseh Sogavare, husat i bin stap praim minista pas-taim long taim bilong ol bikipela hevi.

Long namel bilong 2008, wanpela ripot bilong Komisnin ov inkwairi bilong 2006 Riot i kam aut. Na insait long dispela ripot, ol i tok ol polis i no mekim wok bilong ol gut. Sapos ol i mekim wok bilong ol gut-tru, em bai kain hevi olsem i no inap kamap.

Ol i sutim tok long polis olsem ol i gat planti kar, namba bilong wokmanmeri na ol soldia o ami tu istap na olsem wanem na kain samting olsem bai kamap.

Tasol dispela ripot i no tok long husat bai helpim ol o stretim ol lain husat ol i lusim stua na samting long taim bilong riot. Ripot i tok-save tasol olsem ol polis i rong long i no lukautim palamen gut na dispela kain hevi i wok long kamap olsem.

### Wokbung wantaim gavman i seksek

Tasol rilesensip bilong em wantaim RAMSI i no gutpela tumas taim Sogavare i kamap het bilong kantri. Em i no amamas wantaim planti samting we RAMSI i mekim.

Em i tok RAMSI i no bihainim laik na tingting bilong gavman bilong Solomon Ailan na mekim ol wok long laik na tingting bilong em yet. Na tu, em i tok RAMSI i mas kamapim wanpela tingting long wanem taim stret bai ol i lusim kantri Solomon Ailan na go aut.

Planti narapela hevi i bin stap namel long tupela grup, gavman bilong Sogavare na RAMSI.

Wanpela long dispela em, taim Australia Hai Komisina i go long Solomon Ailan i go malolo long ples bilong em, em i tambuim em long kam bek gen long kantri. Em i tok ol kain lain em ol i no laikim long kantri bilong em.

Dispela i kamapim bikipela birua namel long gavman bilong Australia na Praim Minista John Howard na Sogavare.

Taim Praim Minista Manasseh Sogavare i go long wanpela kibung bilong Pasifik Ailan Forum (Pacific Islands Forum) long Samoa, RAMSI polis i go reidim opis bilong Sogavare long sainim sampela pepa.

Taim Polis Komisina bilong Solomon Ailans (kontrak man Australia) i go malolo, Sogavare i pasim em long noken kam bek gen. em i mekim wankain long Australia Hai Komisina. Na em i no kem bek gen long kamap Komisina.

moa long pes 9



# Sampela hevi long RAMSI



**REDI:** RAMSI polis Komyuniti Polising tim i redi long ples balus long go wokim aweanes long wanpela ples long Wetakos.

## I kam long pes 8

Taim Julian Moti kamap Atoni Jeneral bilong Solomon Ailans, dispela i kamapim bikpela kros stap namel long Australia na Solomon Ailan.

Am i balus bilong Papua Niugini i hait na karim Moti long Pot Mosbi i go long Solomon Ailans long nait na go lusim em long wanpela ples ol i kolim long Munda.

Tasol ol polis i painim aut na kisim em i go long Honiara long sasim em. Tasol ol i no sasim em i stap taim Sogavare i makim em kamap Atoni Jeneral.

Dispela i mekim Howard i no laik harim ol toktok bilong Sogavare na Sogavare tu i tokim Howard 'yu husat'.

Moti em Australia i tok em i bin repim wanpela meri long Vanuatu, husat krismas bilong em i aninit long 15 long 1987 long Vanuatu taim em i wok olsem wanpela praiwet loya long dispela kantri.

Taim Dokta Derek Sikua i kamap Praim Minista long pinis bilong 2007 long wanpela vot i nogat bilip, namba wan samting em ol i rausim Moti i go long Australia long sasim em long ol dispela trabel ol i toktok long em.

Tasol dispela em longpela taim na bilong wanem, ol i laik mekim wok painim aut na kotim em sapos ol dispela kain stori em i tru.

Ol bikman bilong RAMSI na Gavman i kisim bikpela hevi long wok bung wantaim.

Taim Gavman i wok long sutim tok long RAMSI, RAMSI i go het na mekim ol wok bilong em. Tasol sampela samting o wok bilong ol, ol i painim olsem aninit long gavman bilong Sogavare, ol i no inap wok aut gut. Ol i kisim was long ol wok bilong ol.

Namba wan wok bilong nupela gavman em long rausim Moti i go long Australia na kot long sas we

ol i bin redim bilong em. Na planti narapela wok we i no kamap stret i wok long kisim ples na RAMSI i painim isi long wok bung wantaim nupela gavman.

Long krismas bilong 2004, ol stilman i bin sutim wanpela polisman bilong RAMSI na kilim em i dai.

Dispela polisman i bin wok nait na mekim wok patrol wantaim narapela wanwok bilong em. Tupela i bin patrol i go long wanpela ples ol i kolim grinveli na ol stilman i was i stap na sutim em. Em i bin sindaun opsait na katres i pas long baksait bilong em na em i dai sem taim.

Planti ol bikman long narapela kantri i tok dispela em i no gutpela pasin long mekim long kilim em long wanem, ol i kisim bagarap na em i go bilong helpim ol.

Foren Afeas Minista bilong Australia long dispela taim Alexander Downer, i tok ol i rong long kilim em i dai long wanem, em i go long helpim ol pipel bilong Solomon Ailans long kamapim pis na gutpela sindaun. Na i no bilong bagarapim ol.

Foren Afes Minista bilong Papua Niugini long dispela taim tu Se Rabbie Namaliu i tok dispela i no pasin na stail bilong ol Melanesia long kain pasin bilong bagarapim ol narapela lain long taim ol i gat hevi.

Polis i bin mekim bikpela wok painim aut na kisim tupela man na sasim long dai bilong dispela opisa. Tasol kot i rausim tupela long haus kalabus long wanem, i nogat gutpela evidens. Hat wok bilong ol i wes nating.

RAMSI polis yet i mekim wok painim aut na sasim tupela man tasol long sampela strongpela evidens bilong tupela man yet, tupela i kam aut.

Dispela i lukim wanpela bikpela asua bilong RAMSI polis long we bilong ol long wokim investigesen o mekim wok painim aut. Olgeta hatwok i lus nating.

I kam inap nau, sampela bilong Solomon Ailan, i no laikim RAMSI. Sampela ol politisen na bisnis man i tok ol i no bihainim lo na rul bilong kantri bilong ol.

Sampela bilong ol dispela em ol politisen, we ol i no amamas long wok na ol i save kamapim sampela kain tingting nogut long dispela misin wok.

Tasol ol dispela samting save kamap long Honiara tasol. Long ol ailan na ples, planti i amamas long lukim RAMSI i kam long hap bilong ol na ol i gat bikpela amamas. I no olsem pastaim, we ol i stap wantaim tubel na laip bilong ol i no stap gut.

Sampela taim ol i lukim sampela RAMSI opisa i mekim sampela samting kranksi o i no stret long ai bilong ol, kwiktaim ol i save laik long askim kompensesen olsem sampela kantri long Papua Niugini.

Planti taim, ol i save painim ol namel man long stap na daunim dispela kain pasin bilong kisim na askim kompensesen long RAMSI.

Long las yia (2008), narapela hevi i bungim RAMSI. Tasol ol i painim sampela rot na daunim dispela hevi hariap tru.

Wanpela polis opisa bilong RAMSI i spak long fri taim bilong em na kapsaitim kar na kilim wanpela meri bilong Malaita i dai. Dispela samting i kamap long wanpela nait.

RAMSI i tok dispela polisman i no mekim wok bilong RAMSI na bungim dispela hevi olsem na ol i no inap helpim em. Dispela samting em bai stap namel long gavman bilong dispela kantri we polisman i kam long em na Solomon Ailans gavman.

Tasol Solomon Ailans gavman i tok man i no kam stap long kantri bilong ol long laik bilong em. RAMSI i kisim em ikam olsem na RAMSI mas lukluk long em. Dispela hevi i karim narapela hevi gen i go long RAMSI.

Ol lain bilong meri i laikim kompensesen na ol i bin putim presa long RAMSI. Tasol RAMSI i tok laikim tupela gavman mas toktok long dispela samting. I kam inap nau, i no gat wanpela toktok long dispela askim bilong kisim kompensesen.

Polis bilong Solomon Ailan i sasim em long dai bilong dispela meri na bihain ol i salim dispela polisman i go long ples bilong em long wetim taim bilong kot bilong em. Nau, em i save stap long ples bilong em na save go kam long ol kot bilong em long Honiara.

Long sampela hap long kantri, ol manmeri i save kros wantaim ol polis bilong RAMSI long hap ol i stap long en. Tasol i no bikpela tumas we i save pretim laip bilong ol.

Wanpela kain olsem i bin kamap long Yandina Plentesen long Russell Ailan. Dispela em wanpela bikpela plentesin insait

long Solomon Ailan long mekim wok kopra.

Ol plentesin lain i no amamas long papa bilong kampani long sampela senis i kamap long kampani na tu, planti sevis bilong kampani i no gutpela tumas. Ol asples tu i no amamas long kampani long kamapim ol olsem narapela lain olgeta.

Long namel bilong 2005, wanpela bikpela sip kam na laik rausim ol kopra. Ol wokman meri bilong plentesin wantaim papagraun i pasim tok na rausim dispela sip na kukim ol traipela fektori bilong kopra.

Dispela taim i gat bikpela pait wantaim ol polis. Ol i tok ol polis i helpim kampani na rausim. Wankain olsem i kamap wantaim ol RAMSI polis na ami tasol i no bikpela tumas.

Sampela polisman i kisim bagarap na plentesin i pas na nau i stap nating.

RAMSI polis i no moa wok long hap. Ol i lusim na ol asples polis yet i lukautim dispela hap ples we plentesin istap long en.

Ol dispela hevi i bungim ol long kain ples olsem Malaita, Guadalcanal, Sentral na insait long biktaun Honiara yet.

Ol narapela provins, i no gat wanpela kros pait wantaim ol RAMSI wokman meri. Olgeta i wanbel tasol long ol i stap.

Ol i lukim olsem stap bilong RAMSI bai strongim na kamapim gutpela sindaun bilong ol manmeri long ples na developim kantri Solomon Ailan.

*Neks wik bai yumi lukim Papua Niugini i helpim ol Solomon Ailans olsem wanem taim ol i wok aninit long nem bilong RAMSI na tu, ol narapela wok bisnis long strongim ikonomi bilong kantri na ol narapela helpim long sait bilong politiks.*



**HELPIM SI:** Ol nupela tim bilong PNG Polis i bin go long Solomon Ailan. Dispela kain pasin i save kamap long olgeta yia.



# Sepik helt so soim rekot bilong sik AIDS

Cyril Gare i raitim

PLANTI handret manmeri long Wewak taun na ol lain long distrik i bin bung long Prins Charles Oval long Wewak long lainim moa long helt insait long 2009 Helt Ekspo o so. Wanpela wok long dispela so we i pulim planti lain em, 'fri klinik bilong ol mama na pikinini'. Dispela i lukim bikpela namba bilong ol mama i karim bebi bilong ol i go klinik. Bihain long dispela so, wanpela ripot i tok olsem ripot bilong Janueri long dispela yia i soim olsem namel long 1993 na 2007, Is Sepik provins i gat rekot olsem 125 lain i gat sik

AIDs, em mak i go antap. Is Sepik Provinsel AIDS Kaunsil i tok tu olsem ol setelmen long taun olsem Saksak kompaun, Nuigo, Kreer, Sepik Timbas na Boram, i gat 42 ripot olsem ol mama i nogat man, i stap wantaim sik HIV na 5-pela em ol mama husat i gat man. Kaunsil i ripot tu olsem 39 HIV keis em ol sumatin meri husat i salim ol yet long kisim mani. Long dispela namba 14 em krismas bilong ol i stap namel long 13-pela na 16 yia, na 15 bilong ol em krismas bilong ol i stap namel long 17 na 20 yia. Teripela bilong ol em krismas bilong ol i stap moa long 21 yia.

# Kanawi no wanbel long pasin bilong man i slip wantaim ol lain i gat sik AIDS pinis

**"SAPOS yu pilai wantaim paia, em bai kukim yu."**

Dispela em bikpela toktok bilong eking dairekta bilong Nesanel AIDS Kaunsil Sekretariat (NACS), Wep Kanawi.

Em i mekim dispela toktok bihain long ol niuspepa i ripot olsem ol man i wok go long haus we i gat ol meri i gat sik AIDS, na reipim o mekim ol slip wantaim ol.

Mista Kanawi i tok NACS i wari tru long dispela ripot olsem ol man long go na reipim ol meri i gat sik AIDS.

Em i tok Hagen em i wanpela liklik taun, na olgeta manmeri i

save olsem ol lain i gat sik AIDS i save stap long dispela haus, na i nogat as long ol man i go na reipim ol dispela meri na kisim sik AIDS tu.

Mista Kanawi i tok dispela pasin i rausim stret ol rait na nem bilong ol dispela meri.

"Ol i no ol dok o samting nating. Ol i gat rait. Na i gutpela tru olsem sampela ol meri i kamaut na givim dispela stori," em i tok.

NACS i tok klia olsem Westen Hailans Provinsel AIDS Komiti i tokaut klia olsem ol dispela ripot i tru.

Provinsel kaunsiling kodine-ta, reveren Apolos Yimbak nau i wok long toktok long papama-

ma bilong dispela yangpela man na ol lain i stap long dispela haus we ol lain i i gat sik AIDS i stap. Mista Yimbak i wok long givim tok stia long ol.

Mista Kanawi i tok NACS olsem wasman bilong dispela kain hevi i raitim pas i go long polis komisina pinis long kisim ripot long hevi i kamap, na ol bai bihainim aninit long HIV/AIDS Menesmen - na, Privensen Ekt 2003.

Mista Kanawi i askim ol manmeri long luksave olsem i gat marasin bilong daunim gro bilong dispela sik, tasol i nogat wanpela marasin i ken pinisim dispela sik.



**SEKIM SIK KOLERA: WANPELA** praiwet helt saplai bisnis long Pot Mosbi i wok helpim long sekim dispela sik kolera long Morobe. North West Scientific Ltd, wanpela marasin kampani i salim ol tes kit bilong sekim sik kolera i go long Angau Memorial Haus sik bai ol i ken yusim long traime daunim dispela sik.

Sels na Maketing Menesa bilong Not Wes Saintifik, Isaiah Philip i tok bisnis bilong em i gat save long givim ol dispela kain ol sevis bilong sekim ol sik taim ol i kirap bikpela. Em i tok i aninit long pablik na praiwet patnasip tingting gavman i wok traime strongim bilong helt sekta, ol i go het tasol long salim ol dispela tes kit i go long Angau.

# BSP klinim pikinini wod long Pot Mosbi Jenerel Haus Sik



**KLINIM:** Ol wokman bilong BSP taun brens i klinim ol windua bilong Pikinini wod long Pot Mosbi Jenerel Haus sik.

**OL WOKMANMERI** bilong het opis bilong Benk Saut Pasifik (BSP) i bin helpim Pot Mosbi Jenerel Haus Sik long klinim wod bilong pikinini las wik Sarere.

Dispela wok em BSP i mekim aninit long Komyuniti Sapot Program bilong en.

Tripela ten faiv wokmanmeri bilong BSP het opis i bin wok aninit long stia bilong brans menesa Joe Ururu.

Ol wokmanmeri i bin bung long 8 kilok moning na go het long klinim dispela wod.

Ol i yusim ol strongpela marasin bilong klinim ol plua, ol wol na ol windua. Bihain ol i pulim ol nupela laplap bilong windua na stretim 56 bet wantaim ol nupela karamap bilong bet.

Taim ol i pinisim wok, ol BSP wokmanmeri wantaim sampela ol haus sik wokmanmeri na ol

sikmanmeri, i lukim Mista Ururu i givim wanpela masin bilong helpim ol pikinini i gat sik sotwin na ol arapela hevi bilong pulim win.

Mista Ururu i tokim ol sikmanmeri long wod olsem BSP i laik kamapim gutpela senis long laip bilong ol yangpela pikinini i sik na stap long haus sik.

## BONDE GRITINGS

EM NAU BIKPELA MANGI!

**PAUL GREGORY BILLY KONE JNR I TANIM BIKPELA ONE (1)**



**GRITINGS NA LUV I KAM LONG DADI, MAMI THE KONES, THE TAUS NA FAMILI BILONG YU LONG POUKAMA, MADANG NA GABAGABA. SPESOL ONE I KAM LONG BIKPELA BATA KOKO NA TU LONG ENJEL SISTA BILONG YU NANA. NA TU BELATED 2ND B/DAY (7/09/09) I GO LONG ALLAN BILLY RANU**

**GOD I BLESIM YUTUPLA OLTAIM OLTAIM...**





TENKYU BSP: Ol yangpela mangi sumatin bilong Vanimo Hai Skul i singaut na amamas bihain long ol kampani na wokmanmeri bilong BSP i stretim bek toilet blok bilong ol, aninit long komyuniti sevis program bilong benk.

# Vanimo hai kisim helpim long BSP

**Benk Saut Pasifik (BSP) i yusim Komyuniti Sapot Program bilong en long givim helpim long wanwan ol projek long olgeta hap ol han opis (brans) bilong ol i stap.**

Aninit long dispela program BSP i bin kirapim long dispela yia, Vanimo Hai Skul i kisim helpim long stretim ol toilet bilong skul.

Josephine Komoru, husat em i BSP brans menesa long Vanimo wantaim ol wokman-

meri bilong em, i luk-save long ol hevi bilong hai skul, na i makim mani bilong stretim be ol toilet bilong ol sumatin.

Ol lain bilong kampani Huon Plumbing i bin karimaut dispela wok na mani mak bilong pinisim dispela projek inap long K18,000. Wok i kisim olsem 4-pela wik long pinisim na ol wokmanmeri bilong BSP Vanimo tu i bin helpim mekim dispela wok.

Misis Komoru i tok

dispela komyuniti projek i amamasim tru ol wokmanmeri bilong em long wanem ol i save olsem ol i helpim lokel hai skul bilong ol.

Hetmasta bilong Vanimo Hai Skul, Steven Hemo, i tok skul i amamas tru long BSP long helpim ol i givim skul.

Vanimo Hai Skul i gat moa long 300 sumatin na i namba tu bikpela hai skul long Sandaun provins. Em i stap 10 kilomita samting ausait long Vanimo taun.

## Save long rit na rait em i bikpela samting

SEKRETARI bilong Dipatmen bilong Edukesen, Dokta Joseph Pagelio, i askim olgeta Papua Niugini (PNG) manmeri long helpim ol lain husat i no kisim skul long save long rit na rait.

Em i tok dispela bai stopim tingting planti manmeri i gat long wetim gavman long givim samting long ol, na helpim ol strong long lukautim ol yet.

Dokta Pagelio i salim dispela tok-save long makim kamap bilong Nesenel Literasi Wik, we i ron dispela wik long Mande Septemba 7 i go inap 11.

"Nesenel Literasi Wik em i taim bilong tingim olsem literasi (save long rit na rait) em 44 pesen (%) i nogat. Wok bilong mipela em long senisim dispela luksave long strong

bilong rit na rait na helpim ol manmeri i no save long rit na rait," Dokta Pagelio i tok.

Em i tok maski sampela gutpela wok i kamap long ol skul bilong rit na rait bilong ol manmeri, i gat bikpela salens i stap yet long ples.

"Bikpela namba bilong ol lain i no save long rit na rait, em ol meri. Planti tausen pikinini i no go long praimer skul na moa long hap long ol dispela lain em ol meri," em i tok.

Dokta Pagelio i tok Edukesen Dipatmen bai go het long saptim wok bilong Nesenel Literasi na Awenes Sekretariat na strongim ol wokbung wantaim Dipatmen bilong Komyuniti Dvelopmen na ol non gavman oganaisesen long apim mak bilong save long rit na rait.

## Ol USP sumatin i laik protes agensim gavman

OL sumatin bilong Solomon Ailans husat i wok long skul long Yunivesiti bilong Saut Pasifik long Fiji nau i mekim tok lukaut long mekim protes agensim pasin em gavman bilong ol i no mekim bilong apim mani em i save givim ol olsem alawens bilong namba tu hap bilong skul yia.

Long mun Ogas, ol i bin daunim strong bilong Fiji dola, na dispela i min olsem prais bilong

ol kaikai, haus em ol i save rentim na ol arapela sevis i wok long go antap.

Solomon Ailans Ministri bilong Edukesen i tok gavman i nogat mani bilong apim mani bilong ol sumatin. Gavman yet i save baim skul fi bilong ol dispela sumatin.

Vais Presiden bilong Solomon Ailans Sumatin Asosiesen long USP, Jimmy Soalakana, i tok olsem ol bai wetim Solomon

Ailans gavman long stretim dispela wari bilong ol pastaim long namba 18 de bilong dispela mun.

"Dispela em mipela i askim long mun Epril yet, na dispela em i namba foa askim mipela i givim long gavman na ol i no givim gutpela bekim yet.

Olsem na mipela i tingting strong long protes nau," em i tok.

## Ol Vudal sumatin no wanbel long bikhet pasin i strong

### Egareka Noine i raitim

OL sumatin bilong Vudal Yunivesiti Senta long Popondetta, Oro provins, i no amamas long bikhet pasin long Popondetta taun na ol i redi long wokabaut long soim belhevi bilong ol long ol edukesen atoriti na provinsol polis komanda (PPC) long pasim skul na rausim ol manmeri bilong ol narapela provins long kantri.

Planti sumatin i bungim birua long rot i go i kam long taun long baim ol kago samting bilong ol o raun i go long taun long yusim

sevis olsem, benk na pos opis.

Meya bilong Popondetta taun, Boty Robinson, i tok opis bilong em i kisim ripot pinis long ol kain kain birua ol sumatin i bungim.

Mista Robinson i tok olsem long wik i go pinis ol bikhet man i holim tupela sumatin meri na stil long ol. Na long Popondetta maket ol bikhet man i bungim wanpela sumatin man na bung pait long em. Ol i katim han bilong em wantaim wanpela liklik (poket) naip.


Mista Robinson i tok olsem ol dispela pasin i soim olsem ol bikhet

man i jeles long ol sumatin na kamapim dispela ol hevi i stap.

Em i tok olsem ol papamama bilong wanwan distrik long taun i mas lukautim gut ol pikinini bilong ol na noken lusim ol raun nating na kamapim kain kain hevi na bagarapim taun.

Mista Robinson i askim tu ol yangpela mangi long noken bagarapim ol sumatin.

Em i tok Oro em wanpela provins we laik kisim yuni senta, na ol manmeri i mas amamas na lukautim gut ol skul na ol sumatin, nogut ol bikhet na dispela senta i no inap kirap long hap.



### Ol sumatin harim tok stia...

PRESIDEN bilong Yunaitet Stets of Amerika, Barack Obama i givim bikpela tok stia tru long olgeta sumatin bilong ol. Ol dispela lain sumatin em ol skul pikinini long gret 2 long ples Denva, long Kolorado, US. Long dispela toktok bilong em i go long ol skul sumatin long Amerika, Obama i tokim ol long ol i mas hatwok long skul na ol i noken lusim skul kwik taim.



**OL PRINSIPOL BILONG  
GUTPELA  
LIDASIP**

wantaim Evangelist

**OHARE JABERE**



**Tanim bel em  
gutpela samting**

SAMPELA Baibel skul sumatin i autim tok long maket na wanpela i autim testimoni bilong em. Em i tok, "Bipo mi save mekim planti pasin nogut. Mi wanpela bikhet man na mi save paitim ol man nabaut. Tasol mi taim tok bilong God na em i sutim bel bilong mi na mi tanim bel."

"Nau mi gat bikpela amamas tru long Jaip bilong mi. Jisas i senisim mi na givim nupela taip long mi. Ol brata yupela tu mas tanim bel na God bai kisim bek yupela."

Tupela man i sanap long we liklik na tupela i harim stap. Wanpela i tokim narapela, "Bilong wanem dispela lain i save toktok tumas long tanim bel. Tanim bel em i wanem samting tru? Mi bin go lotu planti yia na mi no harim ol misin bilong mi i toktok long tanim bel. Bilong wanem ol i tok long tanim bel? Mi no haiden. Mi baptais taim mi liklik yet na mi kristen pinis."

Insait long dispela Wantok Komentri yumi taikim rot bilong helpim Sios na kantri mas groa. Long bipo yumi bin tok. Sios na kantri i save groa bikpela taim planti man i tanim bel na bilip long Jisas. Yumi mas painim ansa bilong ol dispela askim. Tasol bai yumi painim ansa we. Bai yumi painim ansa long insait long tok bilong God long Buk Baibel.

**1. God em i as bilong olgeta samting na em yet i wokim yumi.**

Baibel i tokaut kliia tru long God i bin wokim yumi na yumi mas i stap ananit long em. God yet i mekim i kamap olgeta samting na em i as bilong olgeta samting. Na olgeta samting i bilong em tasol. Yumi mas litimapim nem bilong em oltaim oltaim. I tru. Long Rom 11:36, i tok long yumi gat wanpela God tasol.

Em God papa na em i as bilong olgeta samting na yumi stap olsem ol manmeri bilong em stret. (1Korin 8:6). God yet i wokim yu manmeri bilong em stret. Taim em i wokim tupela tumbuna bilong yumi Adam na Iw em i wokim tupela kamap stretpela olgeta. Tupela i nogat kros o pait o bel nogut o long pasin bilong mekim sin na sin i bagarapim yumi. Sin em i pasin bilong sakim tok bilong God.

**2. Yumi no inap helpim yumi yet.**

Olgeta gutpela stretpela pasin bilong yumi i no inap helpim yumi. Asaia 64:6 i tok. "Mipela olgeta i bin mekim sin na mipela olgeta i doti tru long ai bilong yu olsem hap laplap i doti nogut tru. Asua bilong ol sin bilong mipela i mekim na klostu mipela laik lus olgeta. Olsem lip i drai na win i karim i go."

Yumi yet i bin sakim tok bilong God na yumi no inap helpim yumi yet. Olgeta gutpela stretpela pasin yumi inap mekim i no inap wokim rot bilong yumi long go insait long ples bilong God. Rev 3:20 i tok, "Mi sanap long dua na mi paitim i stap, man i gat i iau mas harim gut dispela tok Holi Spirit i autim long ol Sios"

**Asbisop Ayong pinisim wok**

Pater Lollington Wiam i raitim

ANGLIKEN sios Asbisop James Ayong i pinisim wok bilong em olsem Praimet bilong Angliken Sios long Papua Niugini na Daiosisen Bisop bilong Aipo Rongo.

Daiosisen bilong Pot Mosbi i bin tok gutbai long Asbisop Ayong las wik Sande long Santu Martins Angliken sios, Boroko.

Moa long 1000 Angliken bilip manmeri i kam long olgeta peris long Nesenel Kapitel Distrik i bin stap long lukim las selebren bilong em long makim Matirs ov PNG De. Em ol lain husat i bin lusim laip bilong ol long namba 2 Wol Woa.

Asbisop James Ayong em mama i karim em long namba 13 de bilong mun Septemba long 1944 insait long wanpela hul bilong ston we ol i bin hait long taim bilong woa.

Ol i bin stap long ailan Kumbun long Wes Nu Briten provins.

Taim em i bikpela, em i skul long Sen Pauls Praimeri skul long Dogura insait long Milen Be provins long 1954 i go inap 1959, na sekenderi skul bilong em, em i mekim long Martyrs Memorial Hai Skul.

I no longpela taim bihain long em i pinisim gret 10, em i go bek long Kumbun na aplai long wok long Dipatmen bilong Netiv Afes, na ol i salim em i go wok long Kundiawa insait long Simbu provins.

Bihain, ol i salim em i go long kisim trening long Vunadidir long Is Nu Briten, inap long siksipela mun. Em i pinis na i go bek long Kundiawa.

Long dispela taim, em i bin raun patrol i go long Gumine, Elibari, Gembok na Kerowagi sab distrik.

Em i bin holim wok administreta bilong Kerowagi distrik inap 7-pela yia olgeta.

Bihain em i lusim na go bek long resis long traim winim Kandrien Glosta sit. Em i no win, na em i wok insait long distrik administresen bilong Kimbe inap tripela yia olgeta olsem pesesing opisa long Angliken Nesenel Opis.

Em nau God papa i singautim em na em i kisim vokesen bilong em long Newton Tiolojikal Koles namel long 1980 na 1982 long Popondeta insait long Oro provins.

Bihain long em i pinisim traim bilong em, em i kisim odnesen olsem diken na go long Martin Luther Seminari long Lae long skulim histori bilong PNG.

James i kisim odnesen long pater long 1985 na ol i makim em Rekta bilong Resurrection Cathedral long Popondeta.

Bihain, em i kamap leksera long Newton Tiolojikal Koles na bihain em i kamap prinsipal inap 8-pela yia.



TENKYU: Bisop Peter Ramsden bilong ACPNG i sekanim Asbisop James Ayong long las selebren bilong em las wik Sande.

Bisop James i bin winim tu wanpela skolasip long go skul long Manchester Yunivesiti long Yunaitet Kingdom. Em i go skul misa na kam bek long PNG we ol i makim em rekta bilong Sen Mary's Peris long Gerehu.

Long 1995, ol i makim em Diosisen Bisop bilong Aipo Rongo.

Bihain long 6 mun tasol, Bisop James Ayong i kamap het bisop bilong Angliken Sios bilong PNG.

Asbisop James Ayong, em i wanpela longpela taim Praimet insait long ACPNG, na taim em i holim dispela wok, em i soim tru wok bilong bikman.



REDI NAU: Maven na Lisa Passingan i sanap fran tru long ol gret 4 sumatin husat i redi long kisim namba wan konfemasio long Christ The King sios long Wirui long Wewak long las wik Sande. Foto: Cyril Gare

**Ol Sepik sumatin amamas long kisim fes Holi Komunion**

Cyril Gare i raitim

MAVEN na Lisa Passingan husat i stap long fran i bin amamas long las wik long stap insait long wanpela seremoni long las wik taim ol i putim ol tumbuna bilas long selebret long De bilong ol Papa (Father's Day).

Tasol narapela bikpela na spesel de long laip bilong dispela tupela sumatin long las Sande

em taim dispela i bin stap wantaim narapela 80-pela gret foa sumatin long kisim nambawan Holi Komunion bilong ol.

Long Kristen bilip bilong Katolik Sios, Yukaris 'Bodi bilong Krai' em i strongpela pos bilong dispela wol sios.

Ol save luksave long seven-pela sakramen em long konpesio, yukaris, konfemasio, Marit, Ordo (sakramen

bilong lain indai), odnesin (sakramen bilong man i kamap pris, bruder or sister na baptismo).

Insait long wan wan yia moa pikinini i wok long kisim baptismo na tu moa sumatin i kisim sakramen bilong konpesio, yukaris na konfemasio na dispela i lukim namba bilong Katolik i bok bikpela tru insait long PNG na long wol.

**Wanwan famili mas redi gut**

Egareka Noine i raitim

kain kaikai" (Proverbs 9:1-6).

"PASIN korapsen insait long kantri lo na oda, marit bruk, na arapela bikhet pasin bai i no inap pinis sapos ol lida long kantri i bungim tingting na wanbel wantaim God papa long pre na larim God i ken salim Holi Spirit long stiam gutpela sindaun long yumi (PNG).

"King Solomon long olpela testemen taim em i kamap king long lukautim ol Israel i bin askim God long kisim gutpela tingting na save long God i helpim em na God papa i bin harim pre bilong em.

"Wankain Papua Niugini i gat wok long askim God long long helpim yumi long lukautim manmeri bilong en.

"Het bilong wanwan famili i gat wok long wanbel na askim God long larim gutpela tingting na save i kam long God bilong lukautim bisnis na famili bilong ol yet long dispela rot papa bai inap long kontrolim ol pikinini long daunim ol hevi olsem raskol pasin, bikhet, pamuk pasin we nau i go bikpela tru insait long kantri."

MOA long 500 manmeri na pikinini i bung long Bathel Luteran Sios long Sande lotu na semon bilong lotu em, "Haus bilong God i redi long kain

Sios lida, Nigel Awoi go pas long autim gutnius na tok, "Bikpela God Papa i redi pinis tasol kristen manmeri i gat nid long pre na askim God long gutpela save na tingting long go insait long haus bilong God long kaikai dispela ol kaikai Bikpela i redim pinis long yumi i go insait."

Em i tok ol lida bilong kantri i gat wok bilong bung na kamapim wanbel na askim God long gutpela save bilong lukautim manmeri bilong em.

"Ol lida long distrik na komyniti mas askim God Papa long kisim gutpela save na tingting bilong ronim wok gavman olsem King Solomon i mekim long bipo. Maski em i king na em i gat namba em i daunim em yet na God Papa i harim pre bilong em na givim em gutpela tingting na save," Mista Awoi i tok.

Em i tokaut olsem long hauslain, wan wan papa bilong famili mas daunim ol yet na brukim skru na askim God long kisim gutpela tingting na save bilong lukautim famili, bisnis, ronim gut bihainim stretpela pasin long kisim mani na lukautim famili, memba long abrusim ol hevi olsem braiberi long paulim ol meri na kamapim pasin pamuk.





**MIPELA I KEN MEKIM:** Donna Hukahu Balamus (sanap namel) wantaim ol mama bihain long lonsim bilong Sepik Meri Selp Rilaiens Faundesen autsait long Luteran Sios long Wewak. *Poto: Cyril Gare*

# Ol Sepik mama lonsim Sepik Meri Selp Rilaiens Faundesen

Cyril Gare i raitim

**OL MAMA** insait long Is Sepik provins i laik go pas long kamapim wok long helpim ol yet na sindaun bilong ol insait long komyuniti.

Dispela tingting bilong ol i bihainim as tingting bilong 'meri helpim meri' na ol i kirapim pinis grup ol i kolim 'Sepik Meri Selp Rilaiens Faundesin.'

Dispela grup bilong ol em i lonsim long Wewak Luteran Sios long las wik Trinde.

Dispela grup i gat moa long wan tausen memba husat i peim pinis K100 membasip fi bilong ol long go het long kamapim ol wok program bilong ol.

Ol narapela smolholda rurel entaprais o wok bisnis projek ol

mama ya i stap insait long en em wokim bilum, groim gaden kaikai na salim, groim vanilla, wok gol, painim pis na ol narapela projek.

Namba wan program bilong ol i lukim ol i salim pinis ol bilum i go long Jayapura, Indonesia na ol mama i wet long kisim setifiket long salim fes wan tan vanilla bilong ol i go stret long Yurop.

Ol lain mamba bilong ol dispela meri bilong Grin Riva i bungim pinis 18-tan raba long sait bilong agrikalisa long salim i go ovasis.

"Agrikalisa dipatmen i nogat rot long salim dispela samting i go. Ol i wetim ol Sepik Meri long putim ol dispela samting antap long sip na salim i go ovasis," Mis Donna Hukahu Balamus, husat em grup lida, i

mekim dispela toktok.

Ol mama i bin givim bikpela tok amamas long Misis Balamus long las wik Trinde taim ol i bringim ol presen na ol i go holim pasim em na tok amamas long em. Ol mama grup i bin kam long sampela longwe ples tu long lukim dispela seremoni na soim sapot bilong ol. Sampela ol mama grup i kam longwe tru long Grin Riva.

Planti ol man ol i bin invaitim ol long stap long dispela seremoni i no bin stap, tasol ol mama i no wari.

"Mipela no statim dispela wantaim wanpela halivirh bilong gavman o wanpela man olsem na mipela no wari taim ol i no stap," Misis Balamus i tok.

## Ol meri i amamas

Bustin Anzu i raitim

**DISPELA** song bilong ol Kerema, Holy Maea, we ol i singsing olsem: "yu yet kam na lukim," em trupela singsing i gat mining. Plant pastaim i ting em i song nating tasol i gat bikpela mining bilong em.

Sapos yu harim stori long sampela lain olsem ples i nogut o gutpela o dispela manmeri em kain lain olsem, em i gutpela long yu yet i painim aut na noken larim narapela i stori long yu.

Em i ken kusai. I gutpela long yu yet mas go na lukim o mekim painim aut long dispela. Na bihain save olsem dispela em i tru o nogat.

Long pasin kalsa, laipstail na pasin kastom tu, Papua Niugini em wanpela kantri insait long wol we i winim ol olgeta narapela.

Antap long ol dispela samting, em pasin - pasin bilong laikim na pasin bilong givim.

Taim Pamela Marshall i raun long Lae siti las wik, em i painim olsem kantri Papua Niugini i gat olgeta samting bilong amamas. Tasol em i no save olsem wanem na ol asples i no save long lukautim na bilasim.

"Mi amamas long raun long kantri bilong yupela na mi lukim planti samt-

ing i narapela olgeta long sampela hap ples," em i tok.

Meri bilong Solomon Ailan Polis Komisina Peter Marshall i bin kam raun long Lae bihainim kibung bilong man bilong ol long Pot Mosbi.

Long las wik Trinde, ol meri bilong ol bikman bilong polis insait long rijen, i go raun long Lae taim ol man bilong ol i stap long kibung long Pot Mosbi.

Pamela em bilong Nu Silan, tasol man bilong em Peter em Polis Komisina bilong Solomon Ailan polis olsem na tupela i makim Solomon Ailan na kam.

Em i lukim ol wel abus long Renfores Habitat, lukim woa semeteri long top taun, kaikaim mit bilong pukpuk long belo na lukim longpela bris bilong Papua Niugini long Wara Markham na save olsem ol narapela provins insait long kantri i gat planti ol gutpela samting bilong lukautim long pulim ol manmeri long autsait i kam insait long kantri.

Na em i tingting long skruim taim bilong em long stap moa insait long kantri.

Em i tok olgeta samting i luk wankain long ples we tupela i stap long en.

"Olgeta samting i luk

wankain olsem long Solomon Ailans, tasol Papua Niugini i gat planti samting na i gat sampela gutpela sain bilong divelopmen. Planti ol stua i gutpela moa," em i tok.

Planti ol meri bilong ol narapela polis Komisina bilong Pasifik i no kam. Pamela yet wantaim narapela bilong Nu Kaledonia (New Caledonia) i joinim ol. Narapela em ol meri bilong ol bikbos bilong polis long Papua Niugini yet.

Taim ol man bilong ol i miting na toktok long sait bilong lo na oda insait long Pasifik, i gat program bilong ol meri tu.

Wanpela bilong ol dispela program em long go long Lae long moning na apinun i go bek long Pot Mosbi.

Pamela na ol lain bilong em long Lae i kisim bikpela luksave. Ol singsing grup i go wetim em long ples balus long Nadzab na kisim ol i go long Lae. Bihain go long Renfores Habitat long Unitek na bihain go lukim semeteri na lukluk long nupela bikpela wof long nambis.

Ol i pinisim wantaim belo kaikai na presen long Bumbu Polis Bareks, raun liklik long Lae maket na bihain go lukim longpela bris insait long Papua Niugini, Markham Bris.



**KISIM PRESENT:** Pamela Marshall, meri bilong polis Komisina bilong Solomon Ailan Peter Marshall i kisim presen basket na bilum long Namba tu polis Komisina bilong Momase rijen Sif Superintenden Allan Kundi long Bumbu polis bareks.



**BUNG:** Ol meri bilong ol bosman i kisim piksa long Woa Semeteri long Lae. **OL POTO:** Bustin Anzu





# TOK PISIN NEWS

from Radio Australia

radioaustralia.net.au

Harim TOK PISIN long

Radio Australia

101.9FM

Port Moresby

Tok Pisin Service

6am - 7am 6080; 7240(KHZ)

7pm - 9pm 5995; 6020; 9710; 1280(KHZ)

## Fiji man i kalabus long Keneda

WANPELA man bilong Fiji, krismas bilong em faivpela ten, nau i kisim 18 mun kalabus na bai i stap tasol long haus long Kanada (Keneda) bihain long em i bin stilim planti milian dola i kam long ol pipel em i save wok bisnis wantaim.

Fiji Televisen i bin ripot olsem Anwar Badash, mama i bin karim em long Labasa, i bin paulim mani bilong ol pipel, taim em i promisim ol olsem ol bai kisim gutpela win mani o intares long invesmen bilong ol.

Dispela ripot i go het na i tok long 2005, Badshah i bin putim aut wanpela toksave long wanpela megasin we em i askim ol memba bilong Fiji Muslim em ol i stap long Keneda na askim ol long inves o givim mani long kampani bilong em.

Lain bilong Keneda em ol i save lukautim wok bilong onim bisnis i bin makim olsem samting olsem 150 pipel i bin givim, moa long 2 milion Amerika dola long dispela 'Ponsi' skim bilong Badshah.

Badshah i bin lusim Fiji na i go sindaun long Keneda long 1975.

## Fiji pe i no stret

WEJIS o potnait pe Kaunsel bilong Fiji i bin tok em i wok long wari olsem dispela tingting bilong apim pe bilong ol wokmanmeri i bihainim stret kos bilong ol kaikai na trenspot em gavman i bin apim i no long taim i go pinis.

Fiji Brodcasting Koporesen i bin ripot siaman bilong Wejes Kaunsel, Pater Kevin Barr, i bin tok sapos gavman bai apim kos bilong baim abus, milk na bret, em i mas tingim tu nid bilong apim pe bilong ol wokman na meri.

Em i tok inap samting olsem 40 pesen bilong ol Fiji pipel i no save kisim gutpela pen a dispela tingting bilong apim prais bilong ol samting olsem kaikai na trenspot bai mekim sindaun bilong ol bai hat moa yet.

## Natapei i tok Vanuatu mas pulim moa Esia turis

PRAIM Minista bilong Vanuatu, Edward Natapei, i tok ol Pasifik Ailan kantri i mas tingting long promotim turisim na pulim ol visita i kam long Noten Hemispia o ples i stap long not bilong Pasifik.


Mista Natapei i tokim Saina stet nius ejensi, olsem planti long ol turis i save kam long Australia na Nu Silan.

Em i tok em i laik lukim moa turis i kam long Esia, Sapan, Saut Korea, na moa yet, long Saina.

Xinhua nius i ripot olsem, long yia bihain long Shangai Ekspo, Vanuatu bia promotim ol lokol prodak olsem bia, bif o mit bilong kau na kopi, na tu ol kain kalsa bilong Vanuatu.

## Yuropien Yunion i no amamas long NATO

OL MINISTA bilong Yuropien Yunion i bin sutim strongpela toktok agensim NATO - lain difens i sanap bung bilong ol westen kantri, bikos em i bin bomim sampela hap long Afganistan na kilim planti pipel.



**SAMOA SENISIM SAIT:** TUNDE dispela wik em i wanpela nupela pablik holide long Samoa. Long Tunde dispela wik, Samoa i lusim draiv long raithan sait bilong rot, na i senis i go long draiv long lephan sait bilong rot. Ol draiva bilong Samoa i bin stat bihainim dispela nupela rul long siks kilok moning. Ol i tambu long olgeta stua i noken salim bia na olgeta arapela strongpela dring bilong daunim birua long rot. Planti pipel i no laikim dispela senis, tasol ol i bihainim tasol. Praim Minista bilong Samoa i sapatim dispela tingting na i laikim pipel bilong Samoa long Australia na Nu Silan i mas salim ol kar we stia wil bilong en i stap long rait han sait. (AP Poto i kam long AAP Images)

Foren Minista bilong kantri Frans (France), Bernard Kouchner, i tok dispela wok bilong bomim ol dispela eria i bin wanpela bikpela asua tru, na i tok ol kantri long Wes i mas wok wantaim ol pipel bilong Afganistan, na i noken bomim ol tasol.

Hetman bilong US na ol fos bilong NATO long Afganistan, i go lukluk raun pinis long ol eria we ol balus i bin bomim na bagarapim tupela piul kar em ol Taliban paitman i bin stilim na kisim.

Ol namba wan ripot i kam aut i tok samting olsem 90 pipel i bin dai, tasol ol opisal nau i tok namba bilong pipel i dai i bin 50 tasol, wantaim liklik ol lain sivilian.

NATO i tok em bai wokim wanpela wok painim bilong painimaut olsem wanem tru na dispela trabel i bin kamap.

## Wokbung bilong gavman wantaim Saina i gutpela

PRAIM Minista bilong Vanuatu, Edward Natapei, i tok wokbung bilong kantri bilong em wantaim Saina nau i kamap gut moa stat long taim tupela kantri i kirapim sampela wokbung namel long tupela gavman long mun Mas 1982.

Mista Natapei i bin tokim Xinhua nius bilong Sain, olsem Vanuatu i givim bikpela tingting tru long wokbung wantaim Saina, long wanem long ol bikpela wok developmen long sait bilong ekonomi long Saina.

Na em i tok planti ol kantri long Pasifik,

wantaim tu Vanuatu, i save tingim Saina olsem wanpela gutpela pren, long wanem Saina i save larim ol kantri i makim wanem kain projek ol yet i laikim taim Saina i laik helpim ol, na Saina i no save suvim het i go insait long ol wok bilong wan wan kantri.

## Gavman bai rausim visa blong Australia UN man

GAVMAN bilong Sri Lanka i tok em i givim oda long wanpela sinia Yunaitet Nesens opisal long lusim kantri, bihainim sampela toktok em i bin mekim long woa agensim ol Tamil Taigas, em nau tasol i bin pinis.

James Elder, wanpela Australia mausman bilong Yunaitet Nesens Childrens Fan, i save kamap planti taim long televisen nius raun long wol na long ol niuspepa, we em i save toktok long woa namel long Sri Lanka gavman na ol Tamil Taigas na ol kain bagarap dispela woa i kamapim long ol yangpela pipel.

Sri Lanka Imigresen Opisa, P. B Abeykoon i toksave olsem ol i kanselim pinis visa pepa bilong Mista Elder na taim bilong visa pepa bai pinis long 21 Septemba.

Em i tok gavman i kamapim dispela tingting sampela mun i go pinis bikos long ol kain toktok Mista Elder i save mekim agensim gavman long media, tasol i no laik tok klia moa long en.

Pastaim long taim gavman i bin winim ol Taiga rebel fos long mun Mei, Mista Elder i

bin toktok long samting em i bin kolim long 'bikpela bagarapim tru' ol pikinini i bin bungim insait long dispela woa.

Em i bin askim tu gavman long rausim tambu agensim ol eid grup em ol i bin wok long traim long helpim ol planti handret tausen refuji em gavman i holim ol i stap long ol refuji kem bilong en.

## Gavman bai go het yet long spendim mani long ikonomi bilong Australia

AUSTRALIA Federal Gavman i tok em bai go het long ol wok em i kolim ol 'ekonomik stimulus' o we bilong strongim ekonomi bilong kantri i go longpela taim.

Ol fainens minista bilong ol G20 kantri, em ol i miting long London, i bin askim ol kantri long go het strong yet long ol 'sapat na helpim bilong ol long kirapim bek ekonomi long wol.

Australia Oposisen i tok, dispela tok i no karamapim Australia, na i tok gavman i mas daunim ol mani mak em i wok lusim long dispela ekonomik stimulus.

Tasol Craig Emerson, husat em i wanpela gavman minista, i tok ol dispela wok bilong gavman long strongim ekonomi i bin nap long helpim Australia long sanap strong long dispela taim bilong ekonomik hevi long wol ol i kolim risesen, na ol i no inap stopim yet.

Pacific BEAT

Listen to Radio Australia  
101.9FM Port Moresby

4. 5. 6am & 4pm. 5pm  
including sport

Radio Australia current affairs programme which focuses on island nations, bringing you morning and evening coverage of Pacific current affairs, including interviews with political leaders, newsmakers, and the people who make the Pacific beat.



**WANTOK**

**KOMENTRI**  
**Senisim pasin na strongim banis**

SAPOS yu no was gut long samting yu kaikai, na wanem tru yu kisim kaikai long en, bai yu no inap save sapos dispela kaikai i gat sik long en, o nogat.

Dispela tingting nau i mas kamap strong long planti long yumi husat i save les long kisim gutpela kaikai, na raun i go painim ol kaikai long sait bilong rot.

Lemfleps ol i kukim long gris bilong wanpela wik i stap strong pinis long ol hap pipia kapa nabaut, o kaukau ol i praim long moning na i sindaun na pulim ol lang na kain kain pipia i stap long en.

Yumi save tingim ol dispela samting tu o nogat?

Ating mauswara i save bosim tingting na dispela ol tingting lukaut i no save kisim yumi.

Dispela sik kolera, na disentri, em nau i bagarapim planti manmeri long Morobe provins em i save kirap taim ol manmeri i kaikai selpis bilong solwara i no tan gut.

Narapela as bilong dispela kain sik em sapos ol manmeri i kukim kaikai long sait bilong rot, na kain kain manmeri i wokabaut i go kam, na pipia bilong das i kalap i go sindaun antap long dispela kaikai na ol man i kaikai nau, bai ol i kisim sik.

Tru tumas, insait long olgeta taun bilong yumi, i gat ol ples we ol mama i save sindaun kukim abus na ol arapela kaikai.

Ol i no save wari sapos das bilong rot i go antap long kaikai. Ol i save olsem ol manmeri bai go baim yet na kaikai tasol.

Na bai yumi mekim wanem nau long traim daunim ol kain sik nogut olsem kolera long kamap strong moa long kantri?

Ol liklik samting olsem wasim han pastaim long yu holim kaikai, o bihain long yu yusim toilet, em i samting we yumi olgeta i mas mekim.

Na taim yumi baim kaikai long sait bilong rot, yumi no save sapos mama i holim mit yumi kaikai i wasim han bilong em o nogat. Laka?

Wanpela rot tasol bilong banisim yumi yet, em long bihainim helti pasin, wasim han oltaim, boilim wara pastaim long yumi dring, na kisim marasin taim yumi pilim sik.

Pasin bilong spetim buai, spetim kus, na spetim kain kain pipia wara bilong bodi em i narapela hevi bilong yumi. Ating yumi mas kisim sik long senisim pasin?

Nogat. Yumi mas senisim pasin pastaim, bai yumi no inap long kisim sik.

Save nau i stap long yumi wan wan long banisim yumi yet.



**Palamen mas kamapim kwik SOE**

**G**AVMAN mas singautim palamen kam bek bung hariap nau long mekim disisen long wanem kain eksen ol bai mekim long stretim na stopim dispela bikpela sik we i wok long raun na kilim planti manmeri long Menyamaya long Morobe provins.

Dispela sik nau i wok long surik go moa long Isten Hailans na Galp provins na ol dokta i pret long dispela sik inap bagarapim laip bilong planti manmeri moa.

Ol dokta i askim sapos gavman ken makim dispela hap sik i ron long en olsem Stet Ov Imejensi (SOE) o hap we bikpela hevi na bagarap i stap.

Dispela SOE tasol bai mekim ol wokman bilong helt na ol arapela helpim lain ken sanapim mak na baunri bilong karimaut wok bilong ol long stopim dispela sik long noken go aut moa yet long arapela hap.



Tasol long kamaipm dispela SOE em Palamen tasol i gat pawā long kamapim na i no long narapela hap. Bikos taim Palamen i kamapim dispela SOS, em bai stretim ol na putim mani na ol arapela bikpela sapot na helpim na muvim ol wokman bilong go aut na mekim wok.

Tasol yumi save olsem Palamen i no inap bung nau bikos ol kisim holido o malolo long las mun na wanem taim bai Praim Minista Gren Sief Se Michael Somare bai singautim Palamen long kam bek bung, em yumi no save yet.

Tasol bikpela singaut nau i go long ol lida bilong yumi long Papua Njugini long tingim laip bilong ol pipel bilong yumi long ol dispela tripela provins husat i wok long kisim bikpela

bagarap na i wok long dai nau. Ol dokta i pret moa manmeri bai kisim bagarap yet long dispela bikpela sik olsem na wok i stap long han bilong gavman bilong yumi long tingim dispela na mekim samting hariap.

Dispela sik em ol kolim long tok Inglis olsem Kolera (cholera) we i wok long kilim ol manmeri long hap bilong Wasu long Kabwum distrik. Long Menyamaya em olsem wanpela kain kus we em ron strong tru na kilim planti manmeri nau. Dispela sik nau i go kamap long hap bilong Isten Hailans na Galp provins pinis we em i stap long wara we ol manmeri save waswas na dring long en.

Bai yumi mekim wanem, em sik ya na strong bilong em i narakain tru bikos em wok long ron olsem win na kalap kalap long ol manmeri. Sapos ol dokta na ol saveman bilong dispela sik i toktok long wanem samting yumi o Gavman mas mekim, plis yumi mas harim

tok na mekim samting hariap. Sapos yumi ken mekim eksen hariap, em gutpela long stopim dispela sik long noken go aut moa long olgeta arapela provins we planti tausen manmeri inap kisim tu.

Yumi lukim na ritim long niuspepa pinis olsem na nau i no taim bilong toktok planti moa. Em taim bilong mekim eksen nau. Yumi toktok na pulim pulim stap na moa manmeri bai wok long dai i stap.

Em ol pipel bilong yumi olsem na ol lida bilong yumi long Palamen mas toktok long en hariap na kamapim eksen bilong stopim dispela sik long noken go aut moa.

Disisen i stap long han bilong Praim Minista bilong yumi Gren Sief Se Michael Somare long tingim laip na sindaun bilong ol pipel bilong em na singautim Palamen kam bung hariap long mekim eksen nau long dispela hikpela sik nogut.

**WANTOK**

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500 Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

<b>Ples:</b>	<b>Air:</b>
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Neville Choi

Published at Section 58, Alotimau

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising terms.



SAVE K2,149

Was K3,249  
**K1,100**

**Fisher & Paykel**  
340mm Upright Fan Forced Electric Stove  
Semi-automatic oven, off timer, clean lift-up cooktop

Was K1,299  
**K650**

**Haier**  
HW M-130-113S 302705  
13.0 Kg capacity  
Twin Tub Washer

SAVE K649

SAVE K3,299

**Haier**  
L37A10A 100007  
37" LCD TV  
Was K6,299  
**K3,000**

Was K749  
**K375**

**PHILIPS**  
MCD19658 200013  
DVD Micro Theater  
Plays DVD, SVCD, MP3, CD, WMA, CD, CD/RW and Picture CD  
Dolby Digital - Digital Sound Control - Bass Boost  
Digital tuner 40 presets - 5.1 channel surround sound  
finished speakers

SAVE K374

SAVE K1,649

Was K3,299  
**K1,650**

**PHILIPS**  
HTS600 20906  
DVD Home Theater System  
Ambisound - Smart Surround - Double Bass - HDMI 1080i  
Vertical speakers - Sophisticated design - Connect iPod  
USB Direct - MP3 Line-in - Plays DVD Video, DVD+R/-RW Video  
CD/SKCD, CD-R/RW & USB

**PHILIPS**  
RD1730  
Portable RCA  
Was K105  
**K53**

SAVE K52

**66% | 50% | 50% | 69% | 50% | 60%**

**THE BIKPELA-BIKPELA SALE TRU!!**

**MASSIVE SAVINGS STOREWIDE UP TO 75% OFF SELECTED ITEMS!**

**50% OFF**

**SELECTED GLASS WARE**  
ONLY WHILE STOCKS LAST!  
**BUY NOW!**

**75% OFF**

**ON ALL SELECTED CERAMIC WARE!**  
BUY WHILE STOCK LAST!

**60%**

**LINDA**  
5 Drawers Chest  
Sturdy modern design frame. Metal Runners with antique drawers handle. Easy self-assemble  
Was K599  
**K250**

**60%**

**WOODSTAIN**  
Garden & BBQ Table  
Solid wood frame with Jarrah wood stain finish. Seats the whole family. Easy self-assemble  
Was K499  
**K299**

**66%**

**MAYFAIRS**  
Garden Chair  
Was K179  
**K60**

**75%**

**PHILIPS**  
RL145  
Pocket Radio MW/FM  
Battery Operated - includes hand strap  
Was K29  
**K10**

**COURTS**

**Come HOME to Courts!**

PRICE (\$) ADVERTISED MAY VARY FROM STORE TO STORE TO COVER REGIONAL FREIGHT COSTS!  
Courts reserves the right to correct any printed errors. Sale Prices advertised are subject to change without notice after 2 consecutive weeks. Sale advert runs 09/09/09 ends 23/09/09





**PULIM TAITIM:** Ol manmeri i traim long rausim wanpela kar i pas insait long graun mekmek, bihain long bikpela graun bruk i kamap long ples Farellones klostu long Santiago, long kantri Sile (Chile). Birua i kamap long Mande dispela wik, na tupela manmeri i dai. (AP Poto i kam long AAP Images)

**SAINIM TIKET:** Tripela man i stap long intanesenel spes kru em Astronot Jeffrey Williams bilong Amerika, Guy Laliberte, husat em i wanpela bilione man Keneda, na Maxim Surayev, husat em i spesman bilong kantri Rasia i sainim ol pepa long redi bilong go long dispela spes misin we bai kirap long Septemba 30. (EPA Poto i kam long AAP Images)



**WARA TAIT:** OL soldia bilong Ami bilong Meksiko i tuhat long pulim rausim ol manmeri i kisim bagarap bihain long bikpela tait wara i kamap. Bikpela ren tru i bin punaun long ples Tlanepantla long Meksiko long Mande. Wara i karamapim olgeta rot long planti hap long Meksiko siti. (EPA Poto i kam long AAP Images)





**OL BIKPELA FEN:** Ol lain Saut Korea, husat i save laikim tumas musik bilong rok ben bilong bipo, Beatles, i sanap long lain na wetim stua bilong op. Ol i sek-sek long baim olgeta olupela singsing bilong Beatles we ol i rekodim gen long CD na DVD. Ol dispela nupela CD i gat olgeta musik bilong Beatles long olgeta 14 albam ol i bin rilisim. *(EPA poto i kam long AAP Images)*



**REDI LONG SELEBRESEN:** Long Mande dispela wik, kantri Saina i soim olgeta ol ami tenk na kar bilong ol. Ol i mekim dispela long redi long bikpela selebresen tru bai kamap long Oktoba 1, we ol bai makim namba 60 yia bihain long Pipels Ripablik ov Saina i bin kamap.



**AMBRELA HANGAMAP:** Kain kain kala ambrela i hangamap long sauten Beirut long Mande. Ol bilasim dispela-rot wantaim moa long 1,500 ambrela long makim opim bilong mun bilong soping. Dispela taim tu i makim Ramadan, em wanpela bikpela de bilong lotu muslim.



YUMIFM Radio Program

Program bilong Wanwan De Mande - Fraide

6am - 10am - Sankamap show - Host: KAS.T
6:15am - Komuniti Notis Bod
6:30am - Nius Hetlains / Bondei grittings
Trukai Rais - GES FAIA KOMPETISEN
6:45am - Niuspepa Hetlains
7:00am - Major Nius Bulletin - YUMIFM Nius Senta
7:15am - Toktok sapotim LO na JASTIS Sekta
7:30am - Trukai Rais - GES FAIA KOMPETISEN
8:00am - Major Nius Bulletin - YUMIFM Nius Senta
8:15am - Stori b'long Skelim Tingting

8:30am - Trukai Rais - GES FAIA KOMPETISEN
9:00am - Nius Bulletin - YUMIFM Nius Senta
9:15am - Luksave long Komuniti (Radio Pilai)
9:30am - Trukai Rais - GES FAIA KOMPETISEN
9:45am - YUMI PANIM WOK Segment
10:00am - Nius - YUMIFM Nius Senta
10am - 2pm - Monin Trek na Belo Pack - Host: VAVIESSIE
10:10am - Lukatim yu yet - Helt toktok - RH Hyper Mart
10:45am - YUMI PANIM WOK Segment
11:00am - Nius - YUMIFM Nius Senta
11:10am - Cont'd - Lukauti yu yet - Helt toktok
11:30am - Nius Hetlains b'long Belo Taim
12:00pm - Major Nius Bulletin - YUMIFM Nius Senta
12:10pm - BELO Taim - wantaim sapot b'long TELIKOM
12:15pm - Komuniti Notis Bod
12:20pm - BELO Taim - wantaim sapot b'long TELIKOM
1:00pm - Nius - YUMIFM Nius Senta
1:10pm - BELO Taim - wantaim sapot b'long TELIKOM

2:00pm - Major Nius Bulletin - YUMIFM Nius Senta
2pm - 6pm - Avinun Draiv Taim - Host: Enjo Dabix
2:00pm - 4:00pm (Tunde / Fonde) TOKAUT TOKSTRET
2:45pm - YUMI PANIM WOK Segment
3:00pm - Nius - YUMIFM Nius Senta
3:10pm - Avinun cruz
4:00pm - Nius - YUMIFM Senta
4:10pm - "FOAPELA KAM GUD LONG 4"
4:30pm - Nius Hetlains
4:45pm - YUMI PANIM WOK Segment
5:00pm - MAJOR Nius BULLETIN - YUMIFM Nius Senta
5:10pm - 6:00pm - FLAME KULCHA (1 hr) listeners request
6:00pm - MAJOR Nius BULLETIN - YUMIFM Nius Senta
6 - 7pm - Maggi noodles request aua
6pm - 00am - NAIT BEAT - Host: ANGRA KENNEDY
6:10pm - 7:00pm Mun kamap sho
6:45pm - Komuniti Notis Bod
7:00pm - 9:00pm - COCA COLA GARAMUT

9:00pm - 00am - Nait Beat - Isi Cruz long nait
00am - 6am - BRUKIM TULAIT SHOW - Host: Papa Raegs / Sally / Nenge
00:00 - Early Monin Taim Cruz (ol lain brukim tulait shift)
- Musik / Request / Tok pilai
- Kipim Kampani long ol nait shift
Weekend Shift - Saturday & Sunday
6:00am - 11:00am - Wiken Sanrais
6:30am - Komuniti Notis Bod - Bondei grittings
7am - 9am - Wiken Spots
9am - 11am - Monin Raun
11am - 1pm - National Weekly Hit Parade (Host Kas.T)
2pm - 6pm - Sarere Avinun Draiv
6pm - 00am - Nait Beat (Host Angra Kennedy)
YUMIFM POROMAN TEAM:
Turner (KAS.T) Arifeae - Team Leader / Program Director
Angra KENNEDY - Senior Announcer

Raun wantaim Wantok

Muvi piksa festival bai kamap

Nicky Bernard i raitim

Ol SUMATIN bilong Yuni- vesiti bilong PNG na Ne- senel Kalsa Komisn bai kamapim wanpela nu- pela kain muvi piksa fes- tival long soim kalsa tru tru bilong kantri.

Dispela Piksa Fesitval bai kamap long Nesenel Kapitel Distrik, na bai soim ol muvi piksa yumi wan wan manmeri save kisim

long ol vidio kamera bilong yumi.

Ol dispela muvi piksa i mas soim tru pasin na kastom bilong yumi Papua Niugini.

Bikman bilong Nesenel Kalsa Komisn (NCC), Dokta Jacob Simet i tok dispela piksa festival em bikpela mani tru long kamapim, tasol em bai helpim ol manmeri long PNG long save long kisim

ol muvi piksa long kamera bilong ol.

Em i tok planti ol gutpela piksa bilong yumi Papua Niugini i save wokim bikpela mani taim ol i kisim vidio long en.

Dokta Simet i toktok long dispela taim em i givim wanpela sekmani i

go long Melanesian Insti- tiut ov Ats na Komunike- sen (MIAC) husat bai go pas long kamapim dispela festival.

Dispela tingting long kamapim dispela piksa festival i kam long UPNG MIAC na NCC long bung wantaim long kamapim.

MIAC na NCC i laikim husat manmeri o kampani i gat ol piksa bilong soim na i mas gat PNG pasin kalsa i stap insait long en.

Dispela festival bai stat long namba wan wik bi- long Novemba na ol bai toksave long wanem hap ol bai mekim.



ANK OF SOUTH PACIFIC LIMITED 3RD SEPTEMBER
MELANESIAN INSTITUTE OF ARTS & COMMUNICATION
EIGHT THOUSAND KINA ONLY
K 8,000

MANI KAM NAU: Dokta Jacob Simet, bosman bilong NCC, i givim sekmani bilong kamapim dispela piksa muvi long Mista Waswas, man husat i bosim MIAC, ol lain i go pas long festi- val.

Poto: Nicky Bernard

RADIO AUSTRALIA TOK PISIN PROGRAM HARIM LONG: 101.9 FM

Radio Australia Tok Pisin Program - MANDE
Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7.30PM Stesen Op
7.45PM O Helain na Program Priviu
8.00PM Musik na Chit Chat
8.15PM Nius na Karent Afeas
8.30PM Yumi
8.45PM Musik/Spots
8.55PM Nius
9PM Fokus Riplei
Musik
Stesen Pas
TRIDE Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7.30PM Stesen Op
7.45PM O Helain na Program Priviu
8.00PM Musik na Chit Chat
8.15PM Nius na Karent Afeas
8.30PM Yumi
8.45PM Musik/Spots
8.55PM Nius
9PM Fokus Riplei
Musik
Stesen Pas
FONDE Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7.30PM Stesen Op
7.45PM O Helain na Program Priviu
8.00PM Musik na Chit Chat
8.15PM Nius na Karent Afeas
8.30PM Yumi
8.45PM Musik/Spots
8.55PM Nius
9PM Fokus Riplei
Musik
Stesen Pas
FRAIDE Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7.30PM Stesen Op
7.45PM O Helain na Program Priviu
8.00PM Musik na Chit Chat
8.15PM Nius na Karent Afeas
8.30PM Yumi
8.45PM Musik/Spots
8.55PM Nius
9PM Fokus Riplei
Musik
Stesen Pas
SARERE Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius
7.40PM Wantok
8PM Lokal Ben
8.30PM Nius
8.40PM Musik/Chit Chat
9PM Stesen Pas
SANDE Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius
7.40PM Femil Blong Serah (Radio Plei)
8PM Lukluk Bek Long Wik
8.30PM Nius
8.40PM Musik/Chit Chat

93FM YUMIFM

National Weekly Hit Parade:

Sponsor: Digicel - bigger, better network

Host & Produced by: Kas.T

Week Ending: Saturday - 12th September 2009

Table with columns: Week Before, Last Week, This Week, Charting Song, Artist. Lists top 20 songs including 'Mori e' by BJ Nagura and 'Trick Girl' by Madang.

TV GAID

FONDE SEPTEMBER 10, 2009
5.00AM G JOYCE MEYER - Religious Program
5.30AM G TODAY
9.00AM EMTV PRIME TIME LINE UP
CLASSROOM BROADCAST
2.59PM STATION OPEN
KIDS KONA
3.00PM G G2G: GOT TO GO
3.30PM G THE KINGDOM OF PARAMITHI
4.00PM G SLEEPOVER CLUB (return)
4.30PM G THE SHAK
4.57PM G EMTV TOK SAVE
5.00PM G THE SHAK
5.29PM G EMTV NEWS UPDATE
5.30PM G HOT SOURCE
6.00PM G NATIONAL EMTV NEWS
6.30PM G A CURRENT AFFAIR
6.59PM NEWS UPDATE IN TOK PISIN
7.00PM G SPORTS SCENE
7.30PM PG YOU SAVED MY LIFE
7.57PM EMTV TOK SAVE
8.00PM PG WWE AFTERBURN
9.00PM G ELITE MUSIC ZONE
9.30PM M FOOTY SHOW

11.00PM G NATIONAL EMTV NEWS REPLAY
11.30PM Australia Network
FRAIDE SEPTEMBER 11 2009
5.00AM G JOYCE MEYER - Religious Program
5.30AM G TODAY
9.00AM EMTV PRIME TIME LINE UP
CLASSROOM BROADCAST
2.59PM STATION OPEN
KIDS KONA
3.00PM G DOGSTAR
3.30PM G THE KINGDOM OF PARAMITHI
4.00PM G THE SLEEPOVER CLUB (Series Return)
4.30PM G THE SHAK
4.57PM G EMTV TOK SAVE
5.00PM G THE SHAK
5.29PM G EMTV NEWS UPDATE
5.30PM G HOT SOURCE
5.55PM G CRIME STOPPERS
6.00PM G NATIONAL EMTV NEWS
6.30PM G A CURRENT AFFAIR
6.59PM NEWS UPDATE IN TOK PISIN
7.00PM G IN MORESBY TONIGHT

All the latest in entertainment and arts around Port Moresby, and PNG, with a special feature segments, a weekly studio guest and a weekly highlights of what's on your screen.
7.27PM EMTV TOK SAVE
7.30PM G NRL: 1ST QUARTER FINAL (Live) EMTV presents the 1st Quarter Final live and exclusive. With such a tight ladder in 2009, who will make it into the exclusive top 8?
9.45PM PG ELITE MUSIC ZONE
15PM M ARMY WIVES
ARMY WIVES - a television drama series that follows the lives of four army wives, their families, and an "army husband" whose wife is in the army.
11.30PM G NATIONAL EMTV NEWS REPLAY
Midnight Australia Network
SARERE SEPTEMBER 12, 2009
11.29AM STATION OPEN
11.30AM PG THE MUSIC JUNGLE
12.00PM G THE SHAK
12.30PM G ENGLISH SUPER LEAGUE REPLAY - Celtic Crusaders v Catalan Dragons
2.30PM G ENGLISH SUPER LEAGUE REPLAY - Hull KR v Warrington Wolves

5.00PM G SPEED MACHINE
6.00PM G NATIONAL EMTV NEWS
6.30PM G NRL: 2ND QUARTER FINAL (Live) EMTV presents the 2nd Quarter Final live and exclusive. With such a tight ladder in 2009, who will make it into the exclusive top 8?
8.30PM G NRL: 3RD QUARTER FINAL (Live) EMTV presents the 3rd Quarter Final live and exclusive. With such a tight ladder in 2009, who will make it into the exclusive top 8?
10.27PM EMTV TOK SAVE
10.30PM G TRI-NATIONS RUGBY Zealand v South Africa From Hamilton, New Zealand.
00.30AM G MORESBY TONIGHT
1.30PM NATIONAL EMTV NEWS REPLAY
Midnight Australian Network
SANDE SEPTEMBER 13, 2009
6.30AM G IT IS WRITTEN
It is Written is an international, Christian television ministry dedicated to sharing insights from God's word with people around the world.
7.00AM G HILLSONG
9.30AM G HEALING PLACE TV Religious program
7.30AM PG TOTAL RUGBY

The latest from the Tri Nations, including a chat with Fourie du Preez, plus we see rugby change the lives of prisoners in Fiji and a young Ugandan in New Zealand.
8.00AM G TODAY ON SUNDAY
10.00AM G WIDE WORLD OF SPORTS - 2009 US OPEN TENNIS CHAMPIONSHIPS - Women's Final, from Flushing Meadows, New York.
MIDDAY G SUNDAY FOOTY SHOW
1.00PM G SUNDAY ROAST
2.00PM G SUPER LEAGUE (teams: tba)
3.30PM G NRL: 4TH QUARTER FINAL - Live - EMTV presents the 4th Quarter Final live and exclusive. With such a tight ladder in 2009, who will make it into the exclusive top 8?
6.00PM G NATIONAL EMTV NEWS
6.30PM PG HOME MADE
7.30PM G 60 MINUTES
8.30PM M SUNDAY NIGHT MOVIE PREMIERE: THE RING (2002) Horror/Mystery/Thriller - A young journalist must investigate a mysterious videotape which seem to cause the death of anyone in a week of viewing it. Stars: Naomi Watts, Martin Henderson, David Dorfman
8.27PM EMTV TOK SAVE



T	G	L	O	B	S	D	R	I	P	I	B	U	R	I	K	O
L	O	A	M	A	T	R	D	C	B	N	H	J	K	E	R	U
O	D	N	J	L	L	I	O	U	E	R	A	U	A	X	I	P
U	W	S	G	U	G	B	E	Y	A	S	E	H	K	R	E	V
T	E	S	X	A	I	E	D	S	K	S	U	M	H	R	P	O
A	N	A	U	N	A	M	R	K	I	M	E	L	E	K	R	D
F	R	I	K	U	A	L	A	L	A	H	C	L	U	P	M	R
S	E	R	E	F	I	M	U	K	I	M	I	O	G	V	R	K
L	O	M	B	R	U	M	S	T	U	K	Y	R	K	E	U	R
J	E	K	I	A	M	U	I	D	S	T	U	K	I	M	O	W
S	T	I	K	I	M	R	O	P	U	V	L	M	R	U	P	M
T	O	N	I	D	O	P	U	B	R	I	B	Y	D	O	O	D
P	E	N	D	S	R	E	M	B	L	E	T	I	S	M	R	O
L	Y	B	R	E	R	A	I	U	S	E	N	L	O	L	I	E
P	O	S	T	A	R	E	B	W	I	N	V	T	S	U	L	Y
L	O	R	E	N	G	A	U	H	E	N	E	S	A	U	P	
U	P	S	E	E	K	P	A	L	I	T	N	I	S	M	O	

TAMIN OL DRELA PIES LONG DUNIS PROVINS

TONG	BIN	LOAMAT	SOU	LORENGAU	PERÉLIK	REI
BALUAN	LENKAU	LOMBRUM	MULIRO	MOMOTE	PAK	
KABULI	LEVEI	LESAU	SORI	LIKUM	CHALALOU	LOU
NAUNA	RAMBUTYO	WUVULU	AUA			

		8	2	9	4		
	9				5	3	
5			8	4	2		
8			4	5		7	9
		1			3		
6	4		3	7			8
		3	5	1			2
1		6				4	
		5	9		2	8	

6	3	9	4	2	8	1	7	5
8	2	7	9	5	1	3	4	6
5	1	4	3	7	6	8	9	2
7	9	6	8	4	2	5	3	1
4	8	2	1	3	5	7	6	9
3	5	1	6	9	7	2	8	4
9	7	5	2	8	4	6	1	3
2	6	3	7	1	9	4	5	8
1	4	8	5	6	3	9	2	7

SUDOKU  
bilong las  
wik isu...

K	T	M	B	E	W	P		U	L	I	K	A
H			A								A	M
O	U		A								N	I
G	E	S	A	T	A						R	O
L	A	K	O	M	I	R	A	W	G	E		
O	T	I		A		I	A	A				
U	V		N	E		A	N	N	A			
C	S	O	S		K	O	D	K				
E		I	A		A	A	M	E	N	I	A	
S		L	A		N	U	A	M	N	I	A	
T		A	A		L	R	G	U	A	K	O	
E	T		M	G	V	A	E	M	S			
R		A	D		A	L		N	O			
F	L	W			U	T		M	U			
B	U	L	U	W	A	R	A					

PAINIM NEM  
bilong las wik  
isu...

TORO



BIABIA



KANAGE



TOKWIN...

Stretim hariap nogut ekonomi bilong PNG i pundaun...

Moa long 200 handet skul pikinini na tisa i kisim sik long Menyama long Morobe provins. Sik pekpek wara na kol kus i wok long bagarapim planti long hap na haus sik long dispela stesis i wok long wetim marasin yet. Hakwange Primeri skul long Menyama i nau stap aninit long ol helt wokmanmeri na psim ol manmeri long narapela ples i no ken go long dispela hap.

Na tu ol marasin bilong sik kolera i kam pinis long Australia na i go stret long Lae provins we hamas

handet manmeri na pikinini i kisim sik na dai long las tupela wik i go pinis. Ol klos we i ken lukautim bodi bilong yu na wara kontena tu i bin saplai kam long Australia long stretim hevi long Morobe provins. Dispela sik i wok long go isi isi long ples olsem Gulf na Isten hailans provins. Gavman mas wok hariap long stretim dispela hevi nogut olgeta hap bilong kantri i kisim bagarap na ekonomi bilong kantri bai pundaun we olgeta manpawa insait long kantri i sik.

Pasim alkohol long kantri?

Edukesen Minista, Marape i laikim gavman mas pasim alkohol insait long kantri. Bikos kankain pasin nogut i wok long kamap, olsem reip,

traibol paif, bagarapim propeti bilong ol narapela pipel; bagarap long rot, kilim man nating, insait long kantri. Yeh, yu laik pasim bia, pasim bia long hailans sait tasol. Kain kain samting i save kamap long hailans long pasin bilong dring bia na spak longlong. Long sait bilong mipela long kostol, mipela i save long pasin bilong dring. Mipela i save dringim bia, ino bia i dringim man!

*Yu pasim bia, ekonomi bilong kantri bai pundaun!*  
*Hamas tausen manmeri bai nogat wok!*  
*Homburu bai pulap tru long PNG!*  
*Wok turis insait long kantri tu bai pundaun stret!*  
*Nogat moa Gems sponsa!*  
*Spak brus bai pulap long kantri.*  
*Yu skelim...*

Tokwin Tasol...

TV GAID

- 10.30PM G HEALING PLACE TV
- 11.00PM G NATIONAL EMTV NEWS REPLAY
- 11.30PM Australia Network
- MANDE SEPTEMBER 14, 2009**
- 5.00AM G JOYCE MEYER Religious Program
- 5.30AM G TODAY
- 9.00AM G EMTV PRIME TIME LINE UP CLASSROOM BROADCAST
- 2.59PM STATION OPEN
- 3.00PM G NEWMACDONALD'S FARM
- 3.30PM G ENGLISH CHALLENGE (teams: tba)
- 5.30PM G WHO WANTS TO BE A MILLIONAIRE - HOT SEAT
- 5.55PM G CRIME STOPPERS
- 6.00PM G NATIONAL EMTV NEWS
- 6.30PM G A CURRENT AFFAIR
- 7.00PM G TOK PIKSA
- 7.30PM PG THE FARMER WANTS A WIFE (New Series Premiere)  
*The new series of The Farmer Wants A Wife returns with a new twist - seven NEW farmers looking for seven brides....Including a father and his son. The Farmer Wants A Wife is not a competition, there is no prize money, and the*

- only winner in the end is....love.*
- 8.30PM PASTOR JOSEPH KINGAL MINISTRIES: tba
- 9.30PM M THE GIFT (New Series) Hosted by Tara Brown, this remarkable series documents the intriguing and often emotional issues surrounding organ donation. In this incredible series we will go on a journey with donor families as they face their grief yet still choose to give life to strangers, the people on the transplant list who must wait patiently for the call that may save their life and the extraordinary professionals who work around the clock to make all this happen.
- 11.00PM G NATIONAL EMTV NEWS REPLAY
- 11.30PM Australia Network
- TUNDE SEPTEMBER 15, 2009**
- 5.00AM G JOYCE MEYER Religious program
- 5.30AM G TODAY
- 9.00AM EMTV PRIME TIME LINE UP CLASSROOM BROADCAST
- 2.59PM STATION OPEN
- KIDS KONA
- 3.00PM G NEW MACDONALD'S FARM
- 3.30PM G HI-5
- 4.00PM G STREETSMARTZ
- 4.30PM G THE SHAK

- 4.57PM G EMTV TOK SAVE
- 5.00PM G HOT SOURCE
- 5.30PM G WHO WANTS TO BE A MILLIONAIRE - HOT SEAT
- 6.00PM G NATIONAL EMTV NEWS
- 6.30PM G A CURRENT AFFAIR NEWS UPDATE IN TOK PISIN
- 6.57PM
- 7.00PM G HAUS & HOME
- 7.57PM EMTV TOK SAVE
- 8.00PM M ARMY WIVES: "Thank You For Letting Me Share" (New Series) - A new wife arrives on base and her competitive streak puts her at odds with Claudia Joy. Meanwhile, Roland and Joan are happy to have Roland's mother visit until she criticizes his parenting skills.
- 9.30PM PG GREY'S ANATOMY (New Series)  
*Grey's Anatomy is an American medical drama TV series. It follows the lives of five surgical interns, later residents and their mentors in the fictional Seattle Grace Hospital in Seattle, Washington. Besides their careers, the series also follows their personal lives.*
- 10.00PM M THE UNIT
- 11.00PM G EMTV NEWS REPLAY
- 11.30PM Australia Network


- TRINDE SEPTEMBER 16, 2009**
- 5.00AM G JOYCE MEYER Religious Program
- 5.30AM G TODAY - PNG INDEPENDENCE DAY SPECIALS
- 9.00AM 2007 MILAMALA FESTIVAL
- 9.30AM LOUISIAD ARCHIPELAGO
- 10.30AM ISLAND LOST IN TIME
- 11.30AM SWAMP GHOST
- 12NOON FISHING NORTH AUSTRALIA: PNG Special
- 12.30PM ESCAPE WITH ET: PNG Black Bass
- 1.00PM 2008 PRIME MINISTER'S XIII RILEAGUE - PNG KUMULS vs. AUSTRALIAN KANGAROOS
- CLASSROOM BROADCAST
- 2.59PM STATION OPEN
- KIDS KONA
- 3.00PM G G2G: GOT TO GO
- 3.30PM G HI-5
- 4.00PM G STREETSMARTZ
- 4.30PM G THE SHAK
- 4.57PM G EMTV TOK SAVE
- 5.00PM G THE SHAK
- 5.29PM G EMTV NEWS UPDATE
- 5.50PM G WHO WANTS TO BE A MILLIONAIRE - HOT SEAT
- 5.55PM G CRIME STOPPERS

- 6.00PM G NATIONAL EMTV NEWS
- 6.30PM G A CURRENT AFFAIR NEWS UPDATE IN TOK PISIN
- 6.57PM
- 7.00PM PG THE WORLD AROUND US SONGS OF THE VOLCANO - produced by Phil Donnison- Songs of the volcano is a film documenting the unique stringband music of the Tolai people of East New Britain.
- 8.15PM M SEA PATROL III: PREMIERE: SERVING SARA (2002) Comedy/Romance - When Sara (Elizabeth Hurley) is served divorce papers she is in New York, she is stunned. Not about to lose the fortune she amassed while she is with her self-serving Texas husband, she makes an offer to her process server, Joe (Mathew Perry) that sets them off on a wild trip across the country.  
*Stars: Mathew Perry, Elizabeth Hurley.*
- 11.30PM G NATIONAL EMTV NEWS REPLAY - Repeat of the 6 o'clock main news bulletin
- 12.00MIDNIGHT Australia Network





Australia Ami go lukim Owens kona.




Australia ami meri tu i go raun long Owens kona.



Grup i lusim Owens kona.



Kisim piksa long Owens kona.



Wil wil i go daun long Owens kona.



Singing long trek.

# Owens Kona em ples bilong malolo tu na ples bilong ol turis i save raun na lukluk...

*Oi poto: Nicky Bernard*



Nupela polis stesin na Kokoda Trek Atoriti (KTA) opis.



Minista Abel na ol lain husat i wokabaut long Kokoda trek i kam bung na malolo long Owens kona.



NBC na Kundu 2 nius manmeri i laikim stret Owen kona.



Oi bulumakau long long maus rot bilong Owens kona.



# Raun wantaim Kanage olgeta wik

## Sutim sinek ya!

OL PLES kaunsel paitim belo bilong ol man long bung. Papa Kanage silip i stap na belo i kirapim em. Em hariap tasol, werim trausis na wokabaut kaikai buai i go long kivung. Em i go sindaun long fran stret. Em sindaun stailim olsem ol waitman tasol 'liklik brata' bilong em i no sindaun gut. Wapela mama na pikinini bilong em i kam sindaun na boi ya i lukim nau. Em i kirap na askim mama bilong em, "Mama, em rop o sinek!" Mama lukluk i go long Kanage na em tokim boi bilong em, "Pasim maus na stap isi!" Wapela paro bilong Kanage harim na em lukluk i go na lukim. I no long taim, paro bilong Kanage i kisim wapela stik brum na laik pilai long Kanage. Taim Kanage i laik toktok, paro bilong em sutim stret sinek bilong Kanage wantaim stik brum. Oloman, Kanage i singaut tasol na em ron i go long haus.

P Posau  
Manus

## Aiyo... Yu tasol

WANPELA taim, long ples Watut, papa Kanage i pilim wik olgeta na em i silip long haus i stap. Wapela yangpela boi i kam painim Kanage long haus bilong em. Em i lukim olsem papa Kanage i silip tasol i stap. Em nau boi askim Kanage, "Papa, yu orait?" Kanage pasim ai tasol na tok, "Aiyo...meri bilong mi, yu tasol ya!" Boi ya tokim Kanage, "Mi no meri bilong yu. Mi pikinini bilong kasen bilong yu. Hau na yu kolim mi meri bilong yu?" Kanage hariap kirap na tokim em, "Aiyo... em tru ya. Yu pikinini bilong kasen bilong mi. Sori tru, mi salim tingting long meri bilong mi na yu kam singaut".

Gifflin Emolam  
Watut

## 'Rinse' we!

Kanage em wapela ples man na em no save kam long taun. Em save tok tok ples na tok pisin na em i no save tumas long tok inglis. Wapela taim, pes taim bilong em long kam raun long taun wantaim ol wantok. Nogat kar long go bek long ples na ol i go silip wantaim ol wantok long taun. Ol kukim kaikai na kaikai pinis na Kanage wantaim narapela kandre man i go long wasim ol plet na sospen. Kandre man wasim olgeta samt-ing pinis na tokim Kanage, "Mi wasim ol samt-ing pinis. Nau yu rinse". Kanage paol long hap tok 'RINSE'. Em tasol na sem long askim na em tok, "Orait lusim long hap bilong Papa Kanage". Kandre i go sindaun autsait kaikai buai na simuk i stap. Kanage i tuhat stret na lukluk insait, arasait na antap long kapbod i stap. I go nau na Kandre man singaut, "Oi, longpela taim tru yu sanap long haus kuk. Yu hariap na kam kaikai buai wantaim mi". Em nau Kanage bekim, "Mi les nau ya. Yupela kam na halivim mi na painim dispela 'RINSE' na mi pinisim wok hariap. 'RINSE' em wanem kain samt-ing stret na mi tuhat long painim i stap".

Maus Wara Meri  
Rainy Lae Siti

## 'Nice time to ...you know'

KANAGE i go tromoi ai raun long Wewak taun. Em raun i go na sanap arere long Air Niugini opis. Boi sanap i stap na wapela yangpela meri bilong K-Ave i skul long Kaindi Tisa Koles (KTC) i wokabaut i kam. Em nau Kanage tokim em, "Tisa, tisa. Today is a sunny day. Nice time to...you know". Dispela meri sumatin askim Kanage, "To da what?...yu tokim mi...naispela taim bilong make what?" Kanage tap tasol na tokim meri ya, "Se Saki, soa hea lofeare...yu save, safos yu staf long feles, kain fikfela sari olsem, fai yu gat laik long waswas!"

Sepik Bilong K-Ave  
Kerema

## Mi mas pasim ai pastaim

KANAGE i no pispis long tripela de olgeta. Long namba fo de, em go long haus sik. Em kamap long haus sik na em tokim het nes olsem em i no pispis long tripela de olgeta. Het nes meri tokim Kanage long go insait long wapela liklik rum na ol bai sekim em. Kanage i go insait long rum na wapela yangpela nes i kam insait. Nes meri tokim em long lusim laplap bilong em. Tasol Kanage i sem na em i no lusim laplap. Nesmeri askim em i go nogat na em tokim Kanage, "Yu laikim mi long sekim yu o yu laikim em long solap?" Kanage tokim nes meri olsem em sem. Nes meri tokim em, "Dispela em i wok bilong mi. Mi kisim pepa long en. Yu noken sem, em yu na mi tasol". Taim Kanage i harim dispela tok, em tokim nes meri, "Kain olsem, orait yu kisim wapela hap laplap i kam na mi pasim ai bilong mi. Bikos mi save les

Dokta  
Kundiawa


long em i save bikhet long kain taim olsem".

## 'Giv we plis'

KANAGE pilai tri lip kas wantaim sampela manmeri long kompaun. Ol pilai i go na Kanage i holim las K5 na em pasim tingting tasol na kilim stret K5 long las bet. Em nau wapela meri tilim kas na ol i lukim. Wapela lapun man bilong Wau i sekim kat bilong em na lukim olsem em i gat tripela pisa kas. Taim em lukim olsem, em kirap paitim kas na tokim ol arapela manmeri, "Wau kung kas ten, no plai ap!". Dispela lapun Wau tok na surukim olgeta mani i go long sait bilong em. Kanage sindaun isi na sekim gut kas bilong em na lukim olsem em i gat tripela ais o nambawan kat. Boi kirap tasol na tok, "No! Pus bek. Givim we Hailens 4x4 i ova lod na i kam". Kanage i tok olsem na paitim kas na kisim olgeta win mani.

Kas Man  
Bulolo

**Ol skwat!**  
Salim ol gutpela Kanage tok pilai i kam long:  
Kanage Tok Pilai  
P.O. Box 1982,  
Boroko, NCD  
Port Moresby.  
Bai yu i gat sans long winim "Raitman Kanage" t-siot!



**NEM:** Jimmy Wau  
**KRISMAS:** 16 (man)  
**ADRES:** C/- Kilipau Village, P.O Box 56, Vanimo, Sandaun Province  
**SAVE LAIKIM:** Harim musik, raitim pas, lukim TV, pilai na raun-raun na raitim pas

**NEM:** Dick Samisie  
**KRISMAS:** 20 (man)  
**ADRES:** C/- Patill Balaguan, P.O Box 1242, Kokopo, East New Britain Province  
**SAVE LAIKIM:** Harim gospel musik, swim long solwara, raun, go lotu, ritim Baibel, mekim pren na raitim pas

**NEM:** Merolyn Kwar  
**KRISMAS:** 15 (meri)  
**ADRES:** Brygam Primary School, P.O Box 251, Maprik, East Sepik Province  
**SAVE LAIKIM:** Raitim pas, mekim pren, harim musik, na go lotu

**NEM:** Sally Solomon  
**KRISMAS:** 19 (meri)  
**ADRES:** P.O Box 4797, Boroko, N.C.D.  
**SAVE LAIKIM:** Harim musik, mekim pren, na mekim pani

**NEM:** Troy Langa  
**KRISMAS:** 23 (man)  
**ADRES:** P.O Box 4797, Boroko, NCD  
**SAVE LAIKIM:** Ritim buk, harim musik, stori na raitim pas.

**NEM:** O'fax Karu  
**KRISMAS:** 18 (man)  
**ADRES:** Millep Lutheran High School, P.O Box 47, Banz, Western Highlands Province  
**SAVE LAIKIM:** Ritim buk, pilai spot, harim musik, lukim TV, raitim pas, stori, pilai gita, na mekim pren

**NEM:** Leona Wakupo  
**KRISMAS:** 24 (meri)  
**ADRES:** Karu & Guals Trading, P.O Box 515, Maprik, East Sepik Province  
**SAVE LAIKIM:** Go lotu, pilai spot, mekim pren, na raitim pas


**NEM:** Iki Lupa  
**KRISMAS:** 20 (man)  
**ADRES:** P.O Box 535, Mendi, Southern Highlands Province  
**SAVE LAIKIM:** Raitim pas, mekim pren na ritim buk

**NEM:** Desta Mansu  
**KRISMAS:** 20 (man)  
**ADRES:** P.O Box 107, Wewak, ESP  
**SAVE LAIKIM:** Ritim buk, harim musik, mekim pani na go huk

**NEM:** Terry Iso  
**KRISMAS:** 21 (man)  
**ADRES:** Kapiura Plantation, P.O Box 451, Kimbe  
**SAVE LAIKIM:** Ritim Baibel, pilai ragbi, lukim TV, mekim pani na stori.

## Painim Tok!

Raitim daun wanem paqi samt-ing yu ting i gutpela insait long babol long poto...



### BAI YU WINIM WANPELA WANTOK T-SIOT O LAPLAP!


Salim i kam long: Pani Toktok Kompetisen, P.O. Box 1982, Boroko, NCD Port Moresby - Sapos mipela i lukim wanem samt-ing yu raitim i gutpela bai yu winim wapela Wantok T-Siot o laplap na bai mipela i putim i go insait long pepa.

Nem: ..... Adres: .....  
Krismas bilong yu: ..... Telepon: .....  
Yu baim Wantok niuspopa long wanom hap.  
(Rot, Maket, Stua) .....  
Kaitim long bai





## Stopim Pasin Bilong Bringim Giaman Simuk I Kam Insait Long PNG!



Igat ol giaman simuk na ol simuk we i nogat takis long en, i wok long hait na kam insait long kantri.

Ol lain husat i save mekim dispela pasin nogut i no save baim takis long PNG Gavman.

Ol giaman simuk olsem *Benson & Hedges* na *Pall Mall* wantaim ol simuk bilong Indonesia, olsem *Marco Polo*, *Kansas*, *Marlboro*, *Fortune* na *Pall Mall 20s* i nogat tok orait bilong Gavman long salim insait long PNG.

Dipatment bilong Jastis long Amerika (USA) i tokaut pinis olsem taim ol manmeri long ples graun i baim giaman simuk, dispela moni i save go long halivim ol man nogut long wokim ol bikpela pasin nogut olsem wok terrorist long olgeta hap long ples graun.

Dispela ol stilman i save olsem igat bikpela winmoni istap insait long pasin bilong bringim ikam na salim giaman simuk insait long PNG. Mipela long BATPNG i sapatim wok bilong PNG Gavman na ol lo man long olgeta hap bilong ples graun long stopim dispela pasin nogut.

## DISPELA PASIN BILONG HAIT NA SALIM GIAMAN SIMUK INO GUTPELA LONG PNG

Long kisim moa toksave, yu ken ringim mipela:

The Manager-Corporate & Regulatory Affairs  
British American Tobacco  
PO Box 632  
PORT MORESBY  
National Capital District

Phone: (675) 320 1416  
Fax: (675) 320 1412  
Email: [corporateaffairs\\_png@bat.com](mailto:corporateaffairs_png@bat.com)





KAMAPIM PAWA. Elk 4 Ges long Baimuru, Galp Provins we InterOil i laik developim.

# LNG Projek bai kamapim 5,000 wok

I GAT bilip Likwifaid Netseral Ges (LNG) projek long Galp provins bai kamapim inap olsem 5,000 wok.

Na dispela i gutpela nius long ol manmeri bilong Papua Niugini.

Dispela tok i kamap taim InterOil Koporesen wantaim poroman kampani Petromin husat i bung long kirapim projek i tokaut long tingting bilong ol long gavman long dispela wik.

Na InterOil Koporesen Sif Eksekutiv Opisa Phil Mulacek i amamas long bekim bilong gavman.

Bihainim tokaut bilong plen bilong tupela gavman i amamas long plen bilong ol na i givim sapot.

Wantaim dispela em ol i givim Indipenden Risos Evaluateen long GLJ Petroleum Konsalten Ltd na Noulidj (Knowledge) Riseva ripot i go long ol opisa bilong gavman.

Dispela ges projek i wanpela bilong tupela projek em Papua Niugini i lukluk long em.

Narapela em long Sauten Hailans Provins we Amerika ges kampani ExxonMobil bai wok wantaim Oil Search na Santos long developim.

Opis bilong InterOil i tok Praim Minista Gren Sif Se Michael Somare na Petroleum Minista William Duma i amamas taim tupela i kisim ripot na i givim sapot bilong tupela.

Olsem long pastaim luksave i bin stap, dispela projek long Galp Provins bai kamapim inap olsem K15 bilien (6 bilien Amerika Dola).

Kampani i tok em hop long pinisim fektori na paipain bilong dispela projek long 2014 o long stat bilong 2015.

"Mipela i amamas long sapot em mipela i kisim long ol opisa bilong gavman.

"Long taim projek i kamap, dispela bai kamapim planti wok bilong ol manmeri long Papua Niugini long planti yia long kam," Phil Mulacek, Sif Eksekutiv Opisa bilong InterOil i tok.

Na Mista Mulacek i tok dispela projek i winim ol arapela projek we

kampani wok long gat tingting long developim long dispela rijen.

Projek i stap antap long maunten tasol arere long solwara na bai mekim isi long developim.

Sans bilong bagarap i kamap long ol taim nogut bai i no inap kamap.

Mulacek i tok taim projek i kamap dispela bai kamapim na stretim ol samting olsem bris, rot, pawa, haus na ol liklik bisnis.

Em bai pamim ges long Baimuru bihainim paip arere long solwara na kam olgeta long Napa Napa long Mosbi we wel fektori bilong em i stap.

Arere long wel fektori kampani bai kamapim ges fektori.

Kampani bai rentim graun long 99 yia na givim bek long ol pipel.

"Bihainim kamap bilong tupela indipenden ripot long risos ivaluesen we InterOil i redim na i givim long ol opisa bilong Papua Niugini em i tok dispela bai helpim em long kisim sapot long gavman long em i ken go moa long mekim sampela moa eksploraesen wok."

"Wankain olsem long tingting bilong Praim Minista, mipela i bilip dispela projek bai helpim mipela gut long wok mipela i mekim."

"Mipela i putim tingting bilong mipela long dispela wok na lukim olsem em i kamap," Mulacek i tok.

## Sas bilong piul i go antap

OL manmeri husat i gat kar o i yusim sampela kain masin long mekim wok bai kisim taim bikos long hevi bilong piul.

InterOil, bikpela wel kampani we i save salim piul long kantri i tok sas bilong piul i go antap bikos planti kantri long wol i laikim na piul i sot.

Dispela suruk bilong piul i stat long dispela mun Septemba na i no save long taim sas bai kamdaun gen.

Gesolin, disel na karasin i kisim inap olsem 13 pesen long suruk go antap.

"Klostu long pinis bilong

Ogas prais bilong wel we ol i kamautim stret long graun na i no putim long fektori yet em sas bilong em i sanap long K182.50 (\$US73) long wanpela barel na dispela i bikpela sas moa long ol arapela yia i go pinis."

"Tasol klostu long pinis bilong mun ol prais i kamdaun gen bikos laik bilong piul i kam long graun stret i go daun."

"Ol maket i no save stap wankain olgeta taim, wantaim taim ol i go antap, narapela taim ol o kamdaun."

"Long wanpela sait yu

gat hevi bilong mani long wol we i stap yet na long narapela sait yu kisim ol tok olsem dispela hevi i pinis nau," Bill Jasper, Presiden bilong InterOil Koporesen i tok.

Em i tok maski PNG i gat wel bilong em yet dispela i no inap helpim bikos em i save baim ol arapela piul we ol i no inap long mekim long kantri.

Oil Search i save salim piul long wol maket na InterOil i save piul long wol maket i kam bilong stretim gut long Napa Napa fektori na bihain salim.

## Bai gat lo bilong skelim wok turisim

PAPUA Niugini Turisim Atoriti i tok em i lukluk long kamapim wanpela lo bai skelim wok bilong turisim long kantri.

Dispela lo i bilong lukim kain wok we ol kampani o ol manmeri husat i pas long wok bilong turisim long kantri i mekim wok bilong ol.

Atoriti i tok stat long taim kantri i kisim Indipendens i nogat wanpela lo i stap bilong skelim o was long wok bilong turisim long kantri inap long taim Gavman i tokaut long 2005 i go inap 2015 Midium Tem

Developmen Strateji (MTDS) bilong em.

Na bihainim dispela gavman bai kamapim lo long lukim olsem ol kampani na manmeri i bihainim sampela kain lo taim ol i mekim wok turisim bilong ol.

Long dispela taim PNG Turisim Promosen Atoriti (PNGTPA) i wok long lukluk soim na tokaut long wok bilong ol na wanem samting i stap long kantri.

Em i mekim dispela tok bihain long wanpela balus i pundaun na kilim 11-pela pasindia wantaim

tupela kru memba taim ol i go long wok-about long biknem Kokoda Trek.

Dispela balus i bilong Airlines PNG na i karim 9-pela Australia na wanpela Siapan husat i laik wokabout long Kokoda Trek.

Wanpela pasindina i bilong Kokoda na i go long ples tasol i dai taim balus i bungim birua.

Long wokabout bilong tim bilong Australia, wanpela man namel long 9-pela manmeri i kamap olsem gaid.

Dispela man Australia i bin wok-

about tupela taim pinis long Kokoda Trek na i ting em i save inap na i laik mekim namba tri taim.

Moa yet em i laik kamap tua gaid tu long taim dispela birua i bungim ol.

Dispela man i laik soim ol manmeri long wokabout tasol i no bin save olsem kain hevi bai kamap.

Long dispela as PNGTPA nau i laik bai lo i mas stap long tok olsem manmeri husat i save gut tru long wok bilong turisim o tua opereta i ken mekim wok bilong turisim.



# Gavien raba estet go het long wok

James Kila i raitim

**RABA Industri long Papua Niugini i no save mekim planti nois tumas olsem narapela ol bikpela industri.**

Tasol dispela industri em strongpela industri long sampela ol kantri long wol bikos, dispela industri i save kamapim

moa wok na tu ol samting i kamaut long raba i save mekim planti ol prodak long sait bilong wok bisnis na industri i go het.

I no long taim i go pinis Wantok Niuspepa i bin mekim lukluk raun bilong em i go long Gavien Raba Faktori long Angoram distrik long Is Sepik provins.

Dispela Gavien Raba skim projek em wanpela kampani bilong kantri Saina i go het long menesim na i wok long kisim ol raba em ol smolholda fama i groim na i save redim na bihain bringim ol baket bilong raba wantaim ol susu bilong raba i go long faktori long Gavien.

Dispela raba projek em nesanel gavman i bin kirapim long stat bilong 1970s wantaim estet raba projek em ol bilong narapela distrik bilong Is Sepik husat i go wok na sindaun long dispela ples long Angoram distrik na mekim wok insait long raba plantasin.

Dispela faktori bilong mekim raba i gat ol kampani bilong Saina. Planti ol wokman meri bilong Gavien estet raba projek em ol bilong narapela distrik bilong Is Sepik husat i go wok na sindaun long dispela ples long Angoram distrik na mekim wok insait long raba plantasin.

Masin we i save kukim ol raba i go strong na bihain ol i save pekim gut tru na save salim i go ovasis. Tru tumas, dispela kain simel bilong taia o raba i kamaut ples klia stret na tu long taim yu lukluk gut long dispela bikpela ol raba em ol i kisim long susu bilong diwai raba na kukim

long bikpela masin na kamaut em save go strong tru na simel bilong em olsem taia stret. Wantok Niuspepa i bin gat sans long lukim ol raba em i nupela yet na dispela we i kamaut long masin na ol i pekim pinis na redim long salim i go long ovasis maket.

## Mol mekim mani long salim kawawar

James Kila i raitim

MOSBI siti em ples we pipel i mas wok hat na i gat mani long sapotim sindaun bilong ol insait long siti.

Wanpela strongpela man Irai Mol, bilong ples Ondari insait long Gumine distrik long Simbu provins, i save salim ol jinja o kawawar wantaim ol narapela gaden kaikai long strit long Mosbi long kisim liklik mani long strongim sindaun bilong em long Mosbi siti.

Mol i bin baim ol dispela bikpela ol as kawawar long Godens maket long ol lain Koiari na ol lain Tari husat i save stap long Sogeri maunten. Long dispela hap, ples i kol na karawar i save groa gut long en.

Mol i tok em i save baim K20 kawawar long ol dispela lain na i save karim i go na brukim brukim na salim liklik long mak bilong 20-toea, 30-toea na 50-toea long ol liklik strit maket long Mosbi.

Dispela toktok bilong stail man ya em i tru tumas bikos long planti ol liklik maket insait long siti, bai yu lukim

planti ol lain i salim ol kawawar i stap.

Mol i tok long K20 bikpela hip em save baim em i save mekim win mani olsem K30 o K40.


Taim em i mekim win-mani o profit, em i save yusim mani bilong em gen long go na baim sampela moa saplai bilong em na go salim.

Mol i tok olsem kawawar em namba wan kaikai em planti lain i save laikim long mekim gutpela sup taim ol i kukim abus olsem pis, lem fleps na ol arapela mit. Em i gutpela tu long kaikai wantaim ol gris mit bikos em bai mekim ol gris mit i go daun isi tru na bai gutpela tru long kaikai.

Mol i tok olsem em save wok bipo wantaim Dipatmen ov Praimeri Industri (DPI) na i stap long planti ples olsem Westen Hailans, Is Sepik, Isten Hailans, Morobe na Sentral provins yet. Em i bin pinis long wok long yia 1990 na nau em i stap nating long Mosbi na i save wok insait long infomel sekta bisnis long lukautim em yet na famili bilong em. Em i marit na i gat 5-pela pikinini.



PEKIM PINIS: Ol wokman long raba faktori long Gavien Estet raba projek i soim ol raba i redi long go long ovasis maket. *Poto: James Kila*



SELSMAN MOL: Irai Mol i karim ol bikpela kawawar na i salim raun long strit long Mosbi. *Poto: James Kila*

## Minista Abel opim foapela nupela projek long Kokoda treil

Nicky Bernard i raitim

**MINISTA** bilong Turism, Arts na Kalsa, Charles Abel long las wik Sande i bin opim foapela nupela ol projek long Owers Kona long hap bilong Kokoda Treil.

Ol dispela projek em wara saplai, wanpela polis pos na Kokoda Trek Atoriti ofis wantaim haus bilong wokman, wappel sel blok na trekas Komyuniti kemp projek.

Mista Abel i tok olsem wok i bin pinis long ol dispela projek long las mun na em i amamas olsem Minista husat i lukautim wok bilong turisim long kantri long mekim opisal opim bilong ol dispela foapela projek.

Em i tok dispela ol projek i go wantaim infrastraksa developmen i kamap long Kokoda treil na ol i kamap long givim helpim i go long ol pipel husat i stap long ol viles na hauslain long dispela treil na to long ol lain

husat bar yusim dispela treil.

Mista Abel i bin stap wantaim Hai Komisina bilong Australia i kam long PNG, Chris Moraitis long katim ribon long opim dispela foapela nupela projek long Owers Kona.

Mista Abel i bin go pas long wanpela grup husat i bin wok abauf 10-pela de long Kokoda Treil wantaim ol lain bilong PNG na Australia na long las de bilong ol em i bin pinis long Owers Kona, we i lukim em i opim dispela ol projek.

Em i tokaut olsem em i amamas long opim dispela foapela projek we ol i bin wokim aninit long 1993 Agrimen bilong Kokoda Treil bipo praim minista Paias Wingti wantaim Praim Minista bilong Australia bipo em Paul Keating i bin sainim.

Mista Abel i tok amamas long ol lain wokman bilong Nesanel Kalsarel Komisina na Siaman bilong Kokoda Treil Developmen Komiti, Dokta Jacob Simef na ol


memba bilong Kokoda Treil Developmen long wok strong long dispela samting, maski olsem nogat inap mani sapot i bin kam long gavman.

Em i tokaut tu olsem dispela wokabaut bilong em long Kokoda Treil long soim na holim pas gutpela pasin poroman namel long PNG na Australia.


Em i tokaut tu olsem dispela wokabaut bilong em long Kokoda Treil em long toksave long olgeta lain long PNG na Australia yet Kokoda Treil em i seit long wokabaut narapela as bilong wokabaut Mista Abel i tok em long soim rispek o givim luksave na tingim ol 13 pela lain bilong Australia, PNG na wanpela Siapan husat i bin dai taim balus i pundaun long Kokoda i no long taim i go pinis.

Minista Abel i tok tu olsem long wokabaut bilong em, em i laik promotim PNG olsem wanpela ples we i gutpela long wokabaut insait long wol.






**BLO MI:** Charlie Maips bilong University Piggies i kisim bal long wanpela lain aut bilong ol agensim Defence long las wik Fonde. Defence i win 13-10 long go insait long gren fainol agensi mHarlequins dispela Sarere long Mosbi ragbi yunion prima divisen resis.



**TROMOI:** wanpela bola bilong PNG anda 19 Garamuts i tromoi bal long gem bilong ol agensim Hong Kong long Canada las wik we PNG i win. Ol i traim hat long dispela tonamen long winim ples insait long wol kap. **POTO: ICC.**



**ANTAP:** Dispela pilaia bilong Fambry Bombers i redi long paitim bal i go daun long sait bilong ol Fire Fox long Fairfax volibol resis bilong ol long Mosbi las wik Sande.



**KALAP:** Pot Mosbi netbaol asosiesen i holi gren fainol bilong olgeta divisen bilong ol las wik Sarere.

**OL WIKEN SPOT DRO**

Telikom Port Moresby Soccer Association  
Sarere Septemba 12 2009

Telikom Park - Bisini 1

0900	ATW Sky Hawks	vs	SES United	Y2
1000	LBC Defence	vs	PNG Fire	Y2
1100	Morobe United	vs	Bucks	D4
1200	PNG Fire	vs	ATW Sky Hawks	W1
1330	Telikom	vs	LBC Defence	WP
1430	LBC Defence	vs	Kurti Andra	D1

Bisini 1

0900	Kurtin Andra	vs	Bavaroko	Y3
1000	Biwano	vs	Saints	D4
1100	ATW Sky Hawks	vs	DBTI	D3
1200	Quendo Nembo	vs	PNG Fire	D2
1330	Lamana GFN	vs	Mungkas	WP
1430	Bavaroko	vs	Hardrocks	D1

Sande Septemba 13, 2009

Telikom Park

Bisini 1


0800	Mariners	vs	Murat	D4
0900	Kumusi	vs	PNG Timber	D3
1000	Mygles Wanmix	vs	NNL Musa Utd	W1
1100	Saints	vs	Murat	W1
1200	Raitman	vs	Muiah Brothers	D2
1300	Murik United	vs	Mungkas	W1
1500	NNL Musa United	vs	Telikom	D1

Bisini 2

0800	Mygles Wanmix	vs	Dobo Warriors	D3
0900	Rubuana	vs	Miga	D3
1000	A Natuna	vs	PJB Warriors	D3
1100	Kurti Andra	vs	Manambu	W1
1200	Dobo Warriors	vs	Moonbi	D2
1300	Manambu	vs	SES United	D2
1400	Guria	vs	Dobo Warriors	WP
1530	CSU Thrillers	vs	Guria	D1

Bai: PNG Gardener (WP); Keleiruna D2; Guria Y2; CSU Thrillers Y3

**bemobile**  
**PAINIM BAL RESIS!**



Putim mak (X) long wanem hap yu ting bal i stap long en na salim i kam long:

**Bemobile**  
**PAINIM BAL RESIS**  
**WANTOK NIUSPEPA**  
P.O. Box 1982 Boroko,  
NCD  
Port Moresby.

Bai yu gat sans long winim sampela gutpela prais i kam long Bemobile na K100 i kam long Wantok Niuspepa long wanwan mun.

Lo bilong resis:  
Ol wokmanmeri bilong Wantok Niuspepa no inap pilai long dispela resis. Wantok Niuspepa tasol bai i makim wina. Nogat potokopi.  
Taim bilong dro em bihain long foapela wik bai ol i droim wina na nupela pilai bai i stat gen. Nem bilong wina bai kamaut long pepa neks wik bihain long dro.

**bemobile** **WANTOK**

Nem:.....Krismas.....

Atres:.....

Phone namba:.....

Yu baim pepa long we?

Long strit/ rot/ stua:.....

Katim na salim i kam



**bemobile**  
**cup**





# bemobile KapiNius

## Mioks sotim Muruks long fainol Bombers pait yet

**Bustin Anzu i raitim**

**TOYOTA Mioks i soim tru kala bilong ol long Lae bihain long ol i winim SBS Muruks 18-7 las wik Sande.**

Mioks na PNG Kumuls hap bek, Tommy Mai, soim tru kala bilong em long Lae Ragbi Lig (LRL) fil olsem ol PNG Kumuls selekta i no bin krangi long kisim erh.

Ol kik na pas bilong em i kamap gut na em yet i pasim wok wantaim wanpela gutpela trai long ful taim stret.

Bihain long planti stori namel long bod na menesmen bilong Mioks long ol wik i go pinis, ol pilaia i soim olsem ol dispela em tok-tok nating we i nogat bilip.

Tingting bilong ol i stap long pilai na stap insait long fainols resis na ol i amamas long gat spes insait long fainols.

Tasol pastaim long dispela, ol i wilwilim Bintangor Lahanis long Wabag 40-14 na kamapim dro wantaim Agmark Gurias 22-22 long Wabag tu.

Wantaim ol dispela win, Mioks bai kamapim planti het pen taim ol i stap insait long resis.

Long dispela pilai long Lae las wik, Muruks i pilaim gutpela

gem we ol i ronim bal na pinisim olgeta plen we Kosa Jack Kereme i putim.

Tasol long las minit bilong gem, ol i go slip na kamapim spes bilong ol Mioks long go na putim trai.

Insait long las 5 minit, Mioks i putim tupela trai long win.

Muruks i givim dispela poin i go nating long Mioks bilong wanem ol i sanap tasol na lukluk na i no takol gut.

Muruks Kepten, Joseph Omai, na prop Paulus Mondo i soim strongpela gem long ron i go insait long banis bilong Mioks tasol i nogat sapot i kam long lain bilong tupela.

Olpela huka bilong Bombers, Andrew Baine, i wokim sampela sait ran bilong em tu tasol i nogat gutpela luksave long ol wan pilaia bilong em.

Dispela i mekim laip bilong Muruks i hat moa yet.

Muruks nau i hat long go insait long top 5 long wanem tim we i stap klostu long ol inap holim em i stap wantaim 15 poin na ol i gat tupela moa pilai i stap tasol dispela i no inap mekim bikipela senis long sindaun bilong ol.

Guria i go pas nau wantaim 20 poin, Masta

POTO: Bustin Anzu.



TRAIM: Ol Muruks i bung long wanpela pilaia bilong Mioks long Lae las wik.

Mak City Rangers (16) na Mioks wantaim Lahanis i stap wankain long 15 poin.

Dispela i min olsem sapos Muruks i winim dispela las tupela pilai em bai ol kisim 13 poin na dispela em ino inap kisim ol i go insait long top 4.

Tasol long ol Mioks, dispela win i mekim ol i kalap i stap.

Bihain long planti nem nogut i kamap long ol pilaia bilong ol long ol sisen i go pinis, ol i kam bek na soim olsem sampela pasin bilong harim tok na respek i stap.

Long las tupela gem bilong ol Mioks bai ol i bungim tupela tim bilong Mosbi long Wabag.

Dispela wiken bai ol i bungim Rangers na long laspela gem bai ol i bungim CIVPAC Vipers. Pilai wantaim Rangers bai strong tru bilong wanem Rangers i stap 16 na Mioks 15 long poin leda.

Taim Mioks i bungim ol long namba wan raun long Mosbi, Mioks i win 20-12 olsem na ol i save wanem samting long yusim agensim Rangers.

I luk olsem Muruks i

nogat sans long go insait long fainols tasol ol bai soim sampela stail long Gurias dispela wik.

Sapos Muruks i nogat sans insait long fainols dispela yia, em bai namba wan taim bilong ol.

Long las tripela yia, ol i bin banisim gut dispela taitol bilong ol na nau bai ol i wari long lukim narapela tim i winim.

Long ol arapela pilai dispela wiken, ATCL Bombers bai pilaim Bintangor Eagles long Hagen na Vipers bai bungim Bintangor Lahanis long Mosbi.

**Andrew Molen i raitim**

ATCL Bombers i ken stap las long Bemobile Kap resis tasol pait bilong ol i no pinis yet.

Las wik ol i strong na winim CIVPAC NDCD Vipers 10-6 long Mosbi long gem we hap bek Peter Peyala na huka Russ Kaupa junia i go pas long ronim gem.

Vipers i skoa pas long namba wan hap bilong gem bipo ol Bombers i bekim.

Bombers tasol i skoa long namba tu hap bilong gem na wanpela fil gol wantaim olgeta kik bilong ol long gol i no go insait.

Ol Vipers tu i krangi long wanpela kik bilong ol. Risev faiv eit bilong Bombers, Mark Mexico, i tok ol i luksave olsem gem bilong ol i no save strong long las minit bilong pilai olsem na ol i senisim dispela pasin.


Dispela i lukim olgeta i paia long stat bilong gem i go inap long pinis na ol Vipers tu i luk olsem ol i kirap nogut long wanem ol i no ting bai ol i bungim kain salens long Bombers.

Mexico wantaim Peyala na Kaupa i go pas long ronim bal namel long fil na salim ol fowet na beklain bilong ol i go insait long hap bilong ol Vipers.

Planti sans bilong ol long putim trai i lus nating.

Ol Vipers tu i bekim tasol i no bin inap long bekim dispela wanpela trai ol Bombers i putim long namba tu hap bilong gem.

Dispela Sande bai Vipers i kisim Bintangor Lahanis long Mosbi na Bombers bai bungim Bintangor Eagles long Hagen. **PILAI STRONG** Kaupa i pilai strong long helpim tim Bombers winim Vipers.



Poto: Andrew Molen.



Poto: Bustin Anzu.

BRUKIM: Senta bilong Muruks, Bobby Yakopa i laik ronowe long ol Lahanis long wik 11 pilai bilong ol long Lae. Lahanis i bin winim ol 22-16.

## Pait long posisen

**Bustin Anzu i raitim**

I GAT tupela moa pilai stap na taim ol tim husat i stap antap i luk olsem ol gat spes pinis, ol tim husat i no stap insait long fainols bai traim pilai strong long pulim ol dispela tim kam daun.

Dispela wiken em wik 12 bilong Bemobile kap resis na olgeta sapota i luksave pinis long wanem tim i stap insait long fainols.

Tasol dispela i no min olsem ron bilong ol insait long fainols em pinis na ol bai isi tasol i go insait.

Ol mas kisim was long ol tim husat i stap aninit, olsem ol i ken bagarapim fainol bilong ol.

Dispela wiken bai ATCL Bombers i bihainim haiwe i go long Hagen long bungim Bintangor Eagles, SBS Muruks bai bungim top tim, Agmark Gurias long Lae.

CIVPAC NDCD Vipers bai kisim Bintangor Lahanis long Mosbi na Masta Mak City Rangers bai go

long Wabag long bungim Toyota Mioks.

Nau yet Gurias i go pas wantaim 20 poin, 4-pela moa long Rangers na tupela tim, Mioks na Lahanis i stap long namba tri na foa.

Ol primia bilong las tripela yia, Muruks i stap aninit tasol long top 4 wantaim 9-pela poin na narapela tripela tim Eagles, Vipers na Bombers i gat seven poin.

Dispela i lukim olsem Muruks i nogat sans bilong ol long go bek long fainols long banisim taitol bilong ol.

Maski sapos ol i winim dispela tupela pilai wantaim Guria na narapela long wik i kam wantaim Eagles long Hagen, em bai no inap yet long helpim ol.

Em bai kisim 13 poin tasol na Mioks wantaim Lahanis i stap pas long ol yet wantaim 15 poin olsem na ol bai sot yet.

Ol arapela tim, Eagles, Vipers na Bombers i nogat moa sans

insait long fainols tasol ol bai strong long stopim ol dispela top 4 tim long noken kisim gutpela poin.

Gurias i no wari moa, sapos ol i lusim dispela tupela pilai, em bai no inap mekim wanpela-senis long posisen bilong ol.

Tasol ol bai kisim was long Rangers, long wanem Rangers i stap namba tu ples wantaim 16 poin na ol i ken kam antap long wankain mak wantaim ol.

Las tupela pilai bilong Gurias bai kamap autsait long Kokopo, dispela em wantaim Muruks long Lae na Rangers long Mosbi.

Lahanis, husat i pilai isi isi tasol i mekim bikipela senis long kisim ples insait long top 4.


Ol bai go long Mosbi dispela wiken long pilaim Vipers tasol dispela pilai bai no inap senisim posisen bilong ol.

Nau yet, Lahanis i pas klostu wantaim Mioks long poin leda na ol bai traim long lusim ol bihain.


Dispela em namba wan yia we SP Brewery husat i ronim dispela resis 19 yia i lusim i go long han bilong narapela sponsa, Bemobile.



PHOTO Andrew Molen / Wantok Niuspepa 1831



# bemobile Cup 2009



**"Kisim FRI K5 Prepaid  
kad long gett taim yu baim  
wanpela 'K10 Adult' tiket"**

### -PROFAIL-

**De mama karim:** Mei 21, 1989.  
**Longpela bilong em:** 189 cm.  
**Hevi bilong em:** 90kg.  
**Provins:** Enga/ Sentrol  
(NCD)  
**Posisen:** Faiv eit.  
**Fevret NRL pilaia:** Darren  
Lockyer.  
**Fevret NRL tim:** Brisbane  
Broncos.  
**Fevret PNG pilaia:** Mi yet save  
traim hat long mi.  
**Narapela spot yu save laikim:**  
Kriket.  
**Bikpela salens bilong yu:** Mi nogat.  
**Astingting bilong yu long gem na  
laip:** Long pilai insait long NRL.  
**Liklik toktok bilong ol yangpela:** Givim  
taim long trening na pilai na yu mas gat  
pasin harim tok.

mark  
**MEXICO**

**ATCL  
Bombers**



**bemobile**

**Official Sponsors of the PNGNRL**

**PO Box 1055 Waigani, NCD. Ph: 325 9400. Fax: 325 9428.**



# Hayne em nambawan NRL pilaia

**PARRAMATTA** fulbek, Jarryd Hayne, em nambawan ragbi lig pilaia long NRL long Australia dispela yia bihain long em i winim Dally M awot dispela wik long Sidni (Sydney).

Hayne i stap long gutpela fom bilong tim bilong em na i winim tu "Man-of-the-Match" awot 6-pela taim dispela yia.

Em i pinis wantaim 30, namba tu ples em North Queensland Cowboys hap bek, Jonathan Thurston wantaim 27 na St George Illawarra faiv eit, Jamie Soward i kam namba tri ples wantaim 26.

Gutpela gem bilong Hayne long dispela yia i helpim long kisim ol Eels i go insait long fainel resis we bai stat dispela wiken na ol i makim em tu wantaim sampela ol gutpela pilaia bilong bipo.

Gutpela ron bilong Hayne i stat taim ol Eels i winim Melbourne Storm 18-16 long Parramatta Stadium long raun 19 dispela yia.

Long Stet ov Orijin dispela yia, em i nambawan pilaia bilong ol Blues.

Thurston i bin winim dispela awot long las tupela yia tasol Hayne i pasim em long kamap olsem Andrew Johns husat wanpela tasol i winim dispela awot tripela taim.



**NAMBAWAN:** Hayne em nambawan pilaia long NRL dispela yia.

## Ol wina bilong 2009 Dally M awot

Dally M awot: Jarryd Hayne (Parramatta).

**Nambawan nupela pilaia bilong yia:**  
Jamal Idris (Bulldogs).

**Kosa bilong yia:** Kevin Moore (Bulldogs).

**Tim bilong dispela yia em; Fulbek:** Jarryd Hayne (Parramatta), **Winga:** Taniela Tuiaki (Wests Tigers), **Senta:** Josh Morris (Bulldogs), **Faiv eit:** Jamie Soward (St George Illawarra), **Hap bek:** Johnathan Thurston (Nth Queensland), **Lok:** David Stagg (Bulldogs), **Seken ro:** Anthony Watmough (Manly), **Prop:** Ben Hannant (Bulldogs), **Huka:** Michael Ennis (Bulldogs).

**Nambawan kepten bilong yia:**  
Andrew Ryan (Bulldogs).

**Nambawan rep pilaia:**  
Greg Inglis (Melbourne).

**Provan-Summons People's Choice awot:**  
Jamie Soward (St George).

**Peter Frilingos Memorial awot:**  
Nathan Merritt (Rabbitohs).

**Man i putim moa poin:**  
Hazem El Masri (Bulldogs).

**Man i putim moa trai:**  
Brett Morris (Dragons).

**Toyota Cup pilaia bilong yia:**  
Beau Henry (Dragons).

## GG amamas long mangi PNG

*I kam long bek pes*

Ol i makim pilai bilong em olsem i stap namel long sampela ol gutpela pilai long histori bilong gem long hap.

Genia husat i stap nau long Australia em pikinini bilong bipo PNG politisen, Kilroy Genia, tasol ol tumbuna bilong em i kam long Australia.

Em i hap hap Sentrel provins na Australia tasol i laik long pilai wantaim Australia.

Dispela pilai bilong Genia i mekim Deans i laik kisim em i go bek long tim na pilai moa.

Se Paulias i tok bikpela amamas long Genia long gutpela pilai bilong em.

Em i tok dispela i soim olsem ol PNG manmeri i ken mekim planti gutpela na bikpela samting long intanesenel level tu long wanem wok o spot ol i stap long en.

"Ol i ken mekim sapos ol i makim gol bilong ol na putim olgeta tingting, taim na hatwok bilong ol long traim na kisim long stretpela rot," Se Paulias i tok.

Bikpela Genia i tok ol i no ting em bai kamap olsem long ragbi lig long wanem em i save laikim kriket.

**Namba wan spotman bilong liklik Genia em, Steve Waugh, tasol Genia i stat long pilai ragbi taim em i lusim PNG na go long hat skuil long Brisben we olgeta miangi long hap i save pilai ragbi.**

Ol i tokim em olsem em i kam long wanpela Pasifik ailan kantri olsem na em i bai kamap biknem sapos em i pilai ragbi.

Papa bilong em i tok wanpela samting we em i kisim long Waugh long kriket i go long ragbi em pasin bilong les long aut.

Em i tok Will i save kros na belhat taim ol i pilai kriket baksait long haus na ol arapela i autim em.

Dispela strongpela tingting i mekim na em i no save laik lus tu taim em i pilai ragbi na bikpela Genia i bilip dispela i helpim gem bilong em long kamap gutpela pilaia.

Will i save pilai bilong Queensland Reds long supa 14 resis na ol i makim em tu olsem nambawan hap bek o skram hap long Queensland.

Brata bilong Will, Frank Genia, i bin kam pilai wantaim PNG Pukpuks agensim Cook Ailans na Samoa long Julai dispela yia.

# PNG stap long wol kap

PAPUA Niugini (PNG) anda 19 tim, Garamuts, i winim ples long go insait long anda 19 wol kap gen.

PNG wantaim Afganistan (Afghanistan), Ailan (Ireland) na Amerika (United States of America) i winim ples pinis insait long wol kap long Nu Silan (New Zealand) long 2010 bihain long ol i winim ol gem bilong ol.

Faippela wicket win bilong

PNG agensim Vanuatu long Tunde dispela wik i helpim ol long winim dispela ples.

Vanuatu i go insait pas long bet we i lukim Lazaro Carlot (40) na Walford Kalworai (38) i kisim ol bikpela skoa bilong ol.

Tasol PNG bola, Charles Amini, em man i go pas long bagarapim ol Vanuatu we i lukim em i kisim 4-pela wicket long 32 ran tasol.

Lega Tau (36), Sese Bau

(36) na Vagi Oala (31 i no aut) bekim skoa bilong ol Vanuatu long helpim PNG win.

Amini husat i bin stap long anda 19 tim i go long 2008 Wol Kap long Malaysia i kisim Man-of-the-Match awot bilong dispela gem.

"Mipela i no inap yet long gem bilong mipela, mipela i laik winim olgeta gem na pinis nambawan ples.

"Mi laik i gat sans stret long

pilai long wol kap gen," em i tok.

Mi ting mipela i gat sans long mekim gut long wanem mipela i gat planti gutpela pilaia long tim, Amini tok.

PNG i stap namba wan ples nau bihain long ol i winim Yuganda (Uganda) aste (Trinde) na ol bai pilaim Amerika tete (Septemba 4) long Maple Leaf 1.



**WOL KAP TIM:** PNG tim i amamasim wanpela wicket long gem bilong ol agensim Kenada las wik we PNG i bin winim. *Poto: ICC*



# PNG bai winim medol long 2011 Pasifik gems

Andrew Molen i raitim

**PRESIDEN** bilong Nesanel Soka Lig (National Soccer League, NSL), John Kapi Natto i bilip olsem Papua Niugini bai winim wanpela gol medol long soka long 2011 Pasifik gems.

Em i tok NSL resis bilong PNG em i strongpela tru na ol arapela kantri long Pasifik tu i wok long was long PNG.

"Gem bilong mipela i wok long kamap strong nau na mi save PNG bai nap long winim wanpela medol long 2011 Pasifik gems," Kapi Natto i tok.

Longpela taim nau PNG i no bin makim wanpela nesanel soka tim bilong ol man tasol Kapi Natto i tok ol wok hat nau long traim na kamapim sampela gem namel long PNG na ol arapela Pasifik kantri olsem Fiji na Solomon Ailans.

"Mipela i laik kamapim dispela ol gem bai mipela i ken luksave long strong bilong yumi agensim ol arapela kantri," Kapi Natto i tok.

Bod memba bilong NSL, Wesley Raminai sapotim toktok bilong Kapi Natto.

"Nau bai namba tri yia bilong NSL na mi ken tok olsem strong bilong gem bilong yumi go antap tru," em i tok.

"Mi raun i go lukim wankain gem long ol arapela Pasifik kantri na mi ken tok olsem yumi nap long ol na ol tu i save putim long

gem bilong yumi," Raminai i tok.

Telikom PNG long dispela wik Tunde i tokaut long sponsaim gen NSL resis wantaim K200, 000 dispela sisen we bai stat long pinis bilong 2009 na ron inap long namba wan hap bilong 2010.

Telikom i bin stap long olsem bikpela sponza bilong NSL long 2007 inap nau.

Sif Eksekutiv Opisa bilong Telikom, Peter Loko, i tok ol i amamas long wanem samting ol i lukim i kamap insait long NSL na i laik sapotim yet.

"Ol arapela sponza i ken sapotim ol tim tasol mipela bai amamas long sapotim ron bilong gem," Loko i tok.

Ol tim husat bai stap insait long NSL resis dispela yia em Unitech FC, Gigira Laitepo Morobe FC, Besta Paraking, Hekari Souths United FC, CMSS Rapatona FC, University Inter FC, Gelle Hills.

Dispela i min olsem 3-pela tim em bilong Lae na 4-pela bilong Mosbi.

Madang i laik putim wanpela tim i kam insait tu olsem na NSL komiti bai bung dispela Fraide long lukim sapos ol i ken kam insait o nogat.

"Mipela bai toktok sapos mipela bai ron wantaim 8-pela tim o 9-pela we wanpela tim bai stap long bai olgeta wik."



STAP YET: Telikom CEO, Peter Loko i tokaut long sponsasip bilong ol long NSL dispela sisen.

## Namba 32 taitol bilong Telstars

ESCO Telstars long las wik Sarere i winim namba 32 taitol bilong ol insait long Pot Mosbi netbol resis.

Ol i daunim Paramana 35-30, long kisim bek taitol we ol i holim

inap 32 yia nau.

Paramana i traim strong long bagarapim rekot bilong Telstars, tasol ol i no bin inap long mekim dispela.



NO NAP: Ol Paramana pilaia (raithan) i traim long pasim Telstars, tasol ol i no inap.

# Nogat gutpela luksave long spots

Bustin Anzu i raitim

"I MAS i gat planti sapot bilong spots insait long ol provins. Dispela em wanpela rot bilong daunim hevi bilong lo na oda," wanpela olpela bos bilong spots insait long Morobe Provins i tok.

Paul Wari, husat em olpela bos bilong Morobe Special Events Council (MSEC) i no amamas taim em i lukim olsem i nogat planti bisnis kampani

sapotim ol spots insait long kantri.

"Mi no amamas long dispela bung bilong kaikai long wanem i nogat planti ol kampani i kam long sapotim ol pilai.

"Yumi tok trapela industrial siti na nogat wanpela kampani kam bilong sapotim spots," Wari askim long nait bilong bung kaikai bilong ol bisnis na sponza bilong Mastas (Masters) tim bilong ol meri husat bai go pilai long Sidni

long mun i kam (Oktoba).

Dispela tim bilong ol meri bai makim Morobe na ol i holim dispela bung kaikai em bilong helpim long bungim mani bilong ol long go.

Ol dispela meri kam long tupela bikpela soka asosiesen long Morobe, em LFA na Lahi.

Long wankain taim, Gavana bilong Morobe Luther Wenge i helpim dispela tim wantaim K5, 000.

Dispela mani em bilong em

yet long helpim ol mama grup long go pilai long Australia, makim Morobe provins na Lae siti. Dispela Wol Mastas bai kamap long Oktoba 9 na i ron tupela wik olgeta.

Inap olsem 126 kantri bai go pilai long kain kain spots na long soka tasol bai gat 33 kantri.

Mastas bilong Lae bai pilai soka tasol.

Krismas bilong ol dispela meri stat long 35 na i go antap.

SPOT RAUN  
WANTAIM  
Scott Vavine, ML



Namba wan raun bilong PNGSF bos i go long rurel ples

SIF Eksekutiv Opisa (CEO) bilong PNG Sports Foundation (PNGSF), Misis Iammo Launa i mekim namba wan raun bilong em i go long ol rurel ples taim em i go long Keapara long Sentral provins las wik.

Kriket asosiesen bilong Keapara i mekim dispela raun bilong Launa i kamap long kisim em i go long gren fainol bilong resis bilong ol las wik Sarere.

Launa i lusim gutpela kol opis bilong em long Mosbi na go long asples long luksave long sindaun bilong ol spotsmanmeri long ol rurel ples.

Keapara i save bungim wankain hevi long spots we ol arapela rurel komyuniti long kantri save bungim tu.

Em i makim tu PNGSF long givim sampela samting bilong pilai kriket long Keapara Cricket Association.

Launa i tokim ol manmeri long wokbung wantaim na yusim spots long lukluk long ol arapela hevi insait long komyuniti.

Em i tok tu olsem PNGSF i gat wok long lukluk long ol grasruts spots insait long kantri na trening na edukesen o wok bilong skulim ol manmeri long wok bilong spots em i wanpela astingting bilong em long developim grasruts spots.

Ol komyuniti spots lida i mas kisim gutpela trening long mekim spots i kamap olsem wanpela strongpela samting bilong helpim komyuniti.

Sapos ol i no mekim dispela em ol manmeri bai lukim spots olsem wanpela samting bilong pilaia na amamas nating tasol.

Launa i pinisim toktok bilong em olsem wokbung bilong ol komyuniti wantaim ol spots ogenaisesen na PNGSF em i wanpela bikpela samting long helpim ol komyuniti kamap gutpela.

# Sponza bilip long Kumuls

Andrew Molen i raitim

BIKPELA sponza bilong Papua Niugini Kumuls i gat bilip olsem PNG bai winim Pasifik kap dispela yia na go insait long 4 Nesens esis long 2010.

Sif Eksekutiv Opisa bilong Telikom, Peter Loko, i tok ol i bilip olsem PNG bai nap go moa yet long intanesenel level.

Em i tok ol i amamas long pilai bilong Kumuls long wol kap long 2008 na long Praim Ministas 13 salens long 2007 we ol i bin dro wantaim Australia 24-24.

"Mi yet mi amamas tru long namba wan gem bilong ol long wol kap agensim Ingran tasol mipela i save tingim tu dispela dro agensim Australia," Loko i tok.

Em i tok ol i putim PNG long wol kap wantaim tripela strongpela kantri bilong ragbi lig na dispela i soim rispek bilong ol long PNG.

"Sapos yumi bin stap long pul wantaim ol arapela kantri em mi save bai yumi mekimsave long ol stret," Loko i tok.

Loko i bilip olsem dispela strong salens long wol kap i apim tru level na strong bilong PNG long pilai long intanesenel level.

Bod memba bilong PNG Rugby Football League (PNGRFL), Ivan Ravu i tok PNG i gat moa wok long developim ragbi lig tasol gem i wok long kamap strong nau.

"Developmen program bilong ol liklik mangi em wanpela rot mipela i lukluk long bihainim long strongim ragbi lig long PNG moa," em i tok.



LAE  
BISCUIT CO.



WANTOK

# SPOOTS

LAE  
BISCUIT CO.



Isu 1831

Wan wik: Septemba 10 - 16, 2009

# G-G amamas

# long mangi

# PNG

## Ol i kolim em "PNG Wallaby"

**GUTPELA PILAIA:** Genia i winim lewa bilong kosa bilong Australia na tu Gavana Jenerol bilong PNG.




PHOTO: Zimbio.com

**Andrew Molen**  
i raitim

**WILL** Genia i mekim nem bilong em yet taim em i helpim Australia Wallabies long winim ol South Africa Springboks 21-6 las wik Sarere long Suncorp

**Stedium long Brisben** (Brisbane), Australia.

Genia i winim lewa bilong kosa bilong Australia, Robbie Deans, husat i kisim em i kam insait long traim na helpim tim i win gen bihain long ol i lusim plan-ti gem bilong ol long "Tri-

Nations" resis.

Tasol i no Deans na ol manmeri bilong Australia tasol i amamas long pilai bilong Genia, em i winim tu lewa bilong Gavana Jenerel bilong Papua Niugini, Gren Sif Se Paulias Matane.

Ol nius ripot i tok olsem

strongpela pilai bilong Genia i helpim gut tru Australia long win na ol i luksave long em olsem wanpela nambawan hap bek bilong ol long dis-pela taim.

**Moos long**  
**Pes 30.**

**INSAIT:**

**PNG** bai winim medol long 2011 Pasifik gems. **Pes 31.**

**Sponsa** bilip long Kumuls. **Pes 31**


**Muruks** win tasol no nap long fainol. **Pes 28.**

## Johnston's Pharmacies

**All Sport and First Aid requirements.**



For First Aid Kits, Red8 Body Bulk Protein Supplements, Thompson Vitamins, Bandages, Strapping Tape, Mouth Guards.



**P.O.Box 1066 Boroko.**  
**Phone 325 3185. Fax 325 0190.**  
**Email sales@johnstons.com.pg."**



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.